

Goienkaria

ASTELEHENEKO

2010eko urriaren 25a > Astelehena > VII. urtea > 295. zenbakia > 1,10 euro

Goiena 10 URTE

www.goiena.net TOKIKOM

"Norbera eta inguruak hezten laguntzeko prestakuntza emango dugu"

Begoña Gomez
Baketik-eko arduraduna > 05



ISTRIPUA

Motorzale bat, 35 urtekoa, hil egin zen zirkulazio istripuan > 04

DEGURIXA

Desafioan berdindu egin zuten Aretxabaletak eta Eskoriatzak > 12

ARIZMENDI

Arrakasta handia izan zuten ikastolaren ekintzek > 13, 22-23

TXAPELKETA

Giro bikainean ibili ziren 18 talde bolo jokoan Elgetan > 21

JENDARTEA > ODOL EMAILEAK

Datozen hiru urteetan beste 3.000 odol emaile beharko dira

ELGETAN Antzuola, Bergara, Oñati eta Elgetako 83 odol emaile omendu zituzten atzo, domeka, Espaloian

DEBABARRENA Denetara, 165 lagun batu ziren Espaloian, eta 190 intsignia banatu ziren; omendu batzuk ez ziren joan

DEIA Gipuzkoako odol emaileen presidentek jendeari dei egin zion boluntario egin dadin, emaile gehiago behar delako > 04

LITERATURA > SARIA

Etxegoien, Euskadi Sariduna

'Autokarabana' eleberriarengatik Euskadi Saria jasoko du Fermin Etxegoienek > 05

"Nintendoa eta Wii-baino hobea da!"

Bergarako Txotxongilo Mostrak lortu du helduak eta umeak erakartzea, magia eta fantasiaz betetako ikuskizunekin > 33



ANTZERKI TXIKIA San Martin plazako teatrino edo antzerki txikiak izan ziren umeen ekintza kutuna.

JOSETXO ARANTZABAL

AURKIBIDEA

- Debagoiena > 04-07
- Elkarrizketa > 08
- Iritzia > 10
- Herriak > 11-20
- Kirola > 21-27
- Kultura > 29-33
- Sailkatuak > 34-35
- Denbora-pasak > 36
- Telebista-irratia > 37
- Berri-zakua > 38-39



AHT Gelditu! Elkarraneko kideak, margoa bota eta gero.

MONDRABERRI

INGURUMENA > PROTESTA

Ibaia berde jaitsi zen AHTren aurka

Arrasaten, Oñatin, Bergaran eta Aramaion, ibaia berde kolore biziz margotuta agertu zen atzo eta, leku batzuetan, kartel batzuk ere agertu ziren. AHT Gelditu! Elkarranek egin zuten, AHTren eragina salatzen. > 04

Danbakako packa opari. Nahi?

Zoaz 3. orrialdera



Oñatin Iban Telleria dabil taldetxo bat sortu nahian; Murgia auzoan du baratzea.

MIRIAN BITERI



Gaizka Olabarrieta arrasatearra, Angiozarko Zulueta baserrian duen ortuan.

EKONOMIA > LEHEN SEKTOREA

Kontsumo taldeak hedatzen hasi dira Debagoienez

HIRU TALDE BERRI Bergaran, Oñatin eta Aramaion lanean dihardute, elikagaien autogestiorako, baserriarrak eta kontsumitzaileak batzen

BULTZATZAILEA Aramaion eta Bergaran herritarren eskaerari erantzunez jarri dute martxan egitasmoa udalek; Oñatin baserriar bat dabil horrekin

MIRIAN BITERI > BERGARA

Kontsumo taldea delakoa apurka-apurka bailaran barneratzen ari den terminoa da. Orain arte Arrasaten baino ez dira horrelako taldeak eratu; hori, dena dela, aldatzear da, Debagoienez beste hainbat herritan taldeak sortzekotan dabilta-eta.

Baina zer da kontsumo talde bat? Baserriarren eta herritarren arteko elkarlanean oinarritzen da, elikagaien autogestiorako. Tokiko baserriarrendandik zuzenean barazki eta bestelako produktuak jasotzean datza, bitartekaririk gabe. Horren bidez, baserriarrak astero kontsumitzaileari aurretiaz zehaztutako kalitatezko produktuekin betetako otarrea eroateko konpromisoa hartzen du; kontsumitzaileak, ostera, denboraldi batean otarrea jaso eta ordaintzeko konpromisoa hartzen du. Otarrean denetarik aurki dezakegu: besteak beste, barazkiak, esnea, ogia, ezti eta gazta; dena, jasotzaileak zehaztutako neurrian.

ARRASATEN OSO POZIK

Esan bezala, joan den urtean ekin zioten horri Arrasaten. Askasibar baserriko Rakel Perez de Arenatza eta Angiozarko Zulueta baserrian ortua duen Gaizka Olabarrieta hasi ziren, bakoitza talde banarekin; urte bat baino gehiago pasa da martxan jarri zutenetik eta balorazioa "oso positiboa" dela esan digute. Perez de Arenatzaren arabera, "dena ondo irten da. Jendea pozik dabil. Taldean 20 pertsona daude; itxaron zerrenda dut, baina nik ezin dut jende gehiagorik hartu. Bergararrak eta oñatiarrak ditut eta zain nago herri horietan ea taldea eratzten den; nor bere herrian gertzen bada, Arrasateko jende gehiago sartu ahal izango dugu taldean".

Olabarrietak ere debagoiendarrak ditu taldean: "20 familia ditut; horietatik, 13 arrasatearrak dira, lau bergararrak eta hiru oñatiarrak. Lehengo urteko 10 familia ditut. Iaz 11 familia nituen; batek baja eskatu zuen bikote bat zelako eta ez zuelako otarrea husteko ari-

2. Fasea

1. Fasea
BUKATUTA

2. FASEA SALMENTAN

San Lorenzo auzoa

BERGARA

“ 1 eta 2 logelako etxebizitzak, garaje eta trastelekuak.
3 logelako duplexak ”

Eraikitzailea

INGESLAN
CONSTRUCCIONES

Sustatzailea



Argibidea eta Salmenta

943 424 430

www.ormak.es

132.000€-tik
aurrera



M.B.



Pedro Alberdi, Bergarako proiektuaren bultzatzailea.

ARANTZAZU EZKIBEL

na jaten. Aurten beste 10 familia gehitu dira; oso gustura daude.

Olabarrietak eguaztenetan banatzen ditu otarreak eta Perez de Arenatzak martitzenetan. Lehena barazkiak eta orain fruktak saltzen hasiko da; bigarrena, barazkiak, ogia, esnea eta jogurrak. Udalak merkatu plazan dagoen lokal bat utzi die, eta han uzten dituzte otarreak; bezeroak sartzen dira eta saskietan dagoena hartzen dute.

ARAMAION, HILABETE BARRU

Arrasaten izandako harrera ikusita, orain Oñatin, Bergaran eta Aramaion taldea osatzekotan dabilta. Azken bi herri horietan udalak dabilta bultzatzen. Aramaionko sustatzaile Aitor Larrañagak esan digu azarorako lehenengo otarreak banatzen hasteko asmoa dutela; garaiko barazkiekin egongo dira osatuta horiek.

Gogorazazi du landa garapena sustatzea helburu duen *Baserrir-barri* proiektu zabaleraren barruan dagoela taldea eratzea. "Udalak eskatuta, baserritarrekin eta kontsumitzaileekin hitz egiten hasi naiz. Harrera ona izan du, dagoeneko interesa duten bederatzita kontsumitzaile daude; dena dela, martxan jartzen denean ahoz aho joango da zabaltzen. Bestalde, baserritarrak ez dira falta, denetik ditugu parte hartzeko gertu", dio.

LEINTZ BAILARAKOEI DEIA

Oraindik izena eman daiteke; Larrañagak nabarmendu du edozeinek eman dezakeela izena eta ez dela aramaioarra izan behar. Horren harira, deialdi berezia egin die Aretxabaleta, Eskoriatza eta Gatzagakoei. Interesatuak 625 70 63 74 telefono zenbakira dei dezakete edo larraaitor@hotmail.com helbidera idatzi.

Asteon amaituko da izena emateko aukera, eta jarraian kontsumitzaileekin harremanetan jarriko da Larrañaga. Baserritarraren bila joango dira jarraian, eta baratzeak bisitatu. Horren ostean, baserritar bakoitzaren balorazioa egingo dute

kontsumitzaileek eta otarrea betetzeaz arduratuko den baserritarrak aukeratuko dute. Bi aldean arteko batzarra egiteko unea iritsiko da orduan, taldeak zelak funtzionatu duen zehazteko eta, bide batez, hileko kuota jartzeko. Larrañagak gaineratu du bestelako produk-

ESANAK

"Aurten 20 familia ditut; horietatik 13 arrasatearrak dira, lau bergararrak eta gainerako hirurak oñatiarrak"

Gaizka Olabarrieta > Baserritarra

"Ekimenak harrera ona izan du, dagoeneko interesa duten bederatzita kontsumitzaile daude Aramaion"

Aitor Larrañaga > Teknikaria

"Bergaran kontsumitzaileen eskaerari erantzuteko arazoak ditugu; baserritarrak behar ditugu"

Pedro Alberdi > Teknikaria

"Honetaz bizi nahi dut eta taldetxoa sortzen nabil astiro. Oñatin Arrasateko baserrietan erosten ari diren bost familia daude"

Ibai Telleria > Nekazaria

tuekin gauza bera egitea ere pentsatuta dutela.

BERGARAN BASERRITAR FALTA

Bergaran ere lanean dihardute Basherrri izeneko taldea eratzeke. Herritarren eskaerari erantzunez, Udala dabil hori bultzatzen. Joan den eguen iluntzean egin zuten horren gaineko batzarra. Taldearen filosofia, jatorria eta dinamika azaldu zituzten bertan, eta zerrendatxo osatu.

Proiektua bultzatzeaz arduratzen den Pedro Alberdiren esanetan, "hurrengo pausoa izango da izena emandakoekin bilera egitea eta taldea sortzea; azarorako gertu egon daiteke. Eskerra handia bada, horri erantzuteko arazoak ditugu. Baserritarrak behar ditugu; gehienek kanpoan egiten dute lan. Gure helburua da baserritarrak baserrian finkatzea eta horretaz bizi ahal izatea. Horretarako oso inportantea da baserritik bizi izan den jendearengana iristea".

OÑATIN, NEKAZARI BATEN IDEIA

Bestalde, Oñatin nekazari batek hartu du taldetxoa egiteko ardurua. Murgia auzoan ortua duen Iban Telleria da hura. Hark dio uztailean hasi zela baratzea martxan jartzen eta laster hainbat produktu eskaini ahal izango dituela, hala nola letxuga, eskarola, zerbak eta porruak. Hauxe dio: "Honetaz bizi nahi dut eta taldetxoa sortzen nabil astiro. Arrasateko baserrietan barazkiak erosten ari diren bost familia daude Oñatin; horiekin harremanetan nago eta azaroran saltzen hasten naizenean niri erosten hasiko dira. Asmoa da oñatiarrek bertako produktuak eros dezatela".

Bestalde, salatu du azkenaldian baliabide guztiak industria bideratu direla eta nekazariak esan du "okerrera" lurra lortzea dela. Telleriak esan du "asko" poztuko litzatekeela Oñatiko beste hainbat baserritar sartuko balira, lana "denondako" delako. Interesa dutenak Telleriak Murgia auzoan duen baratetik pasa daitezke.

Abantailaz
betetako kluba!

Goiena
kluba

URRIKO ZOZKETA

Telefonoa: 943 25 05 05
e-posta: kluba@goiena.com
Kuota: 45 euro



EUSKAL
SELEKZIOKO ZIRA

Bidali KLUBA ZIRA
[Bazkidearen zenbakia]
5195 zkra.



ESAIT-EKO
KAMISETA GORRIA

Bidali KLUBA KAMISETA
[bazkide zenbakia]
5195 zkra



DANBAKAKO
PACKA

Bidali KLUBA DANBAKA
[Bazkidearen zenbakia]
5195 zkra.



UMEENTZAKO
LIBURUA

Bidali KLUBA LIBURUA
[Bazkidearen zenbakia]
5195 zkra.



SARI NAGUSIA
UZTAILA-URRIA

PARTE-HARTZAILE GUZTIEN ARTEAN ZOZKETATUKO DA

WII SPORTS RESORT
PACK TXURIA

Ukabi
informatika

Sistemen salmenta eta mantenua
TPV eta enpresak kudeatzeko aplikazioak
Webguneen diseinua.

Domingo Irala z/g (Ariznoa aurrean)
BERGARA Tel.: 943 76 51 95



SMSaren kostua: 0,15 euro + BEZa mezu bakoitzeko.

Indarrean dagoen LOPD 15/1999 legearen arabera, jakinarazten dizugu zure datu pertsonalak Goiena Komunikazio Zerbitzuaren fitxategi automatizatu baten sartuko direla. Datu-bilketa honen helburu bakarra da indarrean dagoen sustapena gestionatzea. Eskubidea izango duzu datuotatik sartzeko, haiek zuzentzeko edo ezetzatzeko, helbide honetara idatzita: kluba@goiena.com



Odola emateagatik omendu zituzten boluntarioak, Espaloian.

JOSETXO ARANTZABAL

JENDARTEA > OMENALDIA

Bailarako 83 lagun omendu dituzte odola emateagatik

Antzuola, Bergara, Elgeta eta Oñatiko odol emaileez gain, Debabarrenekoak ere omendu zituzten

AMAIA TXINTXURRETA > ELGETA
Domekan 165 odol emaile bildu ziren Elgetan eta 190 intsignia banatu zituzten. Omenduak Antzuola, Bergara, Elgeta, Oñati eta Debabarreneko herritarrak izan ziren.

Zilarrezko intsignia jaso zituzten 113 pertsonetatik 50 izan ziren debagoiendarrak; urrezkoa jaso zituzten 60 lagunetatik, 25; eta odol emaile bikainei banatu zitzaizkien 17 sarietatik, 8 izan ziren debagoiendarrei emandakoak. Eguerdian banatu zituzten sariok Espaloian eta omenaldia-

DATUA

190

INTSIGNIA

Guztira 190 intsignia banatu ziren: 60 urrezko; 50 odol emate egin dituztenei, 113 zilarrezko; 25 odol emate egin dituztenentzako eta 17 berezi; 75 odol emate egiteagatik.

ren ostean, bazkaria izan zuten. Giro ederrean igaro zuten eguna.

ODOL EMAILEEN BEHARRA

Xabi Urzelai Gipuzkoako odol emaileen presidentea azpimarratu zuen ezinbestekoa dela odol emaileen kopuruak gora egitea: "Gaur egun 17.500 odol emaile gaude Gipuzkoan eta hemendik hiru urtera beharrezkoa izango

ESANAK

"Odol emaile gehiago behar ditugu; hurrengo hiru urteetan 3.000 odol emaile gehiago izatea beharrezkoa da"

Xabi Urzelai > Presidentea

da, gutxienez, 20.000 odol emaile egotea. Horrek esan nahi du Gipuzkoako 100 biztanletik hiru odol emaileak izan beharko gara". Bereziki nabarmendu zuen gazte jendea behar dutela odola emateko eta, horretarako, dagoeneko kanpaina batzuk martxan jarri dituztela.

Urzelai presidentea gaineratu zuen laster odola emateko lege-etan aldaketa batzuk egongo direla eta nekezagoa izango dela odola ematea, izan ere, odol emaileek baldintza gehiago hartu beharko dituzte kontuan donazioa egin aurretik. Beraz, odola emateko zailtasun gehiago jarriko direnez, boluntario gehiagoren beharrenda daude.

ZER DIO ARRASATEKO GAZTETXEAK?

ZER DIOTE PRESOEN SENIDEEK?



IKASTAROAK

- **MINTZAPRAKTIKA INGELESEZ**
Erdi-mailako ezagupena dutenentzako
Hasiera: azaroak 10.
Klase eguna: asteazkena
Ordutegia: 18:15 - 20:45
Matrikula epea: azaroaren 5era arte

Informazio gehiagorako:

Tel.: 943 76 90 33

info@bergara.uned.es

ISTRIPUA

Bizia galdu du Antzuolan bizi zen motozale batek

Zapatu iluntzean gertatu zen istripua Oñatin

MAIDER ARREGI > OÑATI

Istripu larria gertatu zen zapatuan 19:30ean, Oñatin. Herrizaingo Sailak emandako informazioaren arabera,

ezbeharrean, Suzuki GSX1300 motozikleta bat errepidetik irten egin zen Oñatin, Zubillaga auzoan, Bergarako noranzkoan. Gidaria, 35 urteko gizonetza, Antzuolan bizi zen (R.S.T inzialduna). Lurrera erori zen eta oso zauri larriak izan zituen. Zauri horien ondorioz hil egin zen, Gasteizko Santiago Ospitalean.



J.A.

Protesta 'berdea', AHTren aurka

Euskal Herriko ibaiak berde kolore biziz margotuta agertu ziren domekan hainbat herritan; tartean, Oñatin, Arrasaten, Bergaran eta Aramaion. AHTren aurkako kartelak ere agertu dira ibai ondoetan eta AHT Gelditu! elkarlanak hartu du bere gain gertakizuna. Herrizaingo Sailak esan du fluoreszeina zela botatako sustantzia ez kutsakorra.

POLITIKA

Bergarako Bolu auzoan etxebizitza bat miatu dute

Segiren aurka abiarazitako operazioaren baitan egin zuten miaketa

MAIALEN GONZALEZ > BERGARA

Egubakoitz goizaldean Bergarako Bolu auzoko etxebizitza bat miatu zuen Polizia Nazionalek, Auzitegi Nazionaleko Grande-Marlaska epaileak Segiren aurka abiarazitako operazioaren baitan. Hainbat iturriren arabera, Aitziber Plazaola gaztearen bila ari ziren, bertan egon eta gero honen gurasoen etxea ere miatu baituzten.

ARRASTORIK EZ

Etxebizitza hiru pertsona zeuden, baina ustez bila ari ziren Aitziber Plazaola ez zegoen han.

Hala eta guztiz ere, lekukoaren arabera hainbat kutxa atara zituzten etxebizitza. Eta ondoren, haren gurasoen etxea ere miatu zuen Polizia Nazionalek.



Begona Gomez ikastaro zuzendaria Baketik zentroaren sarreran.

BAKETIK

Begoña Gomez > Baketik-eko ikastaro zuzendaria

"Norbera eta ingurukoak hezten laguntzeko prestakuntza emango dugu"

MIREIA BIKUÑA > ARANTZAZU

Baketik zentroak urriaren 29an eta 30ean abiaraziko du gurasoendako eta irakasleendako eskola Arantzazun. Lehen urratsak 2010-11 ikasturtean egingo dituzte, hurrengo ikasturteari begira sendotzeko asmoz. Baketik zentroko ikastaro arduradun Begoña Gomezek eman dizkigu xehetasunak.

Ze helburu bete gura dituzue Baketik-en eskola berriarekin?

Prestakuntza eman gura diegu gurasoei eta hezkuntza munduan diharduen edonori, norbera eta ingurukoak hezten laguntzeko. Eskolaren abiapuntu gisa *Nola hezi pertsona izaten?* galdera planteatu genuen.

Gauza batzuetan oso garbi daukagu zer jakin behar dugun ondo hezteko; adibidez, matematika, hizkuntzak... Baina beste kontu batzuetan zailagoa da horiek zehaztea. Ez dakigu zer ikasi behar dugun bakean hezteko, edo zer jakin behar dugun bakardadeari edo sufrimenduari aurre egiteko. Erantzun horiek topatzea ez da erraza. Horiek guztiak landuko ditugu Baketik-eko guraso eskolan.

Bizikasi pedagogia eta Izan Proposamena dira eskolaren oinarriak.

Bai, hala da. *Bizikasi* pedagogiak Baketik-eko prestakuntza eskaintza osotasunean hartzen du. Pedagogia horrek zortzi ikaskuntza ditu ardatz eta bizitza hobetzea du helburu. Bi kontzepturen sinergiaren emaitza da: bizipena eta ikaskuntza. Gure bizipenaren kontzientzia izanik

eta horretatik ikasiz gure burua hobe dezakegula esan gura du. Izan Proposamena *Bizikasi* pedagogiarekin bateragarria da. 2008an aurkeztu genuen jendarean: Lehen Hezkuntzatik batxilergora arte, gure burua hezteko baliabide teorikoak eta praktikokoak eskaintzen dituen tresna da.

Horregatik guztiagatik diogu gurasoen eta irakasleen eskola *bizikasi* pedagogiaren eta Izan Proposamenaren eskola dela. Alegia, gure burua eta besteak hezten ikasteko eskola.

Zergatik bideratu duzue eskola gurasoendako eta irakasleendako?

Baketik zentroaren lehen hiru urteetan helduendako prestakuntza-ikastaroak eskaini genituen, nor bere buruarekin eta besteekin elkarrekin bizi izateko ikaskuntzei buruz. Horietan, 6.000tik gora lagunek parte hartu zuten, tartean ikaskuntza arlo-

ko kide asko. Gure proposamenaren aurrean interesa erakutsi zuten, eta eskola baten beharra zegoela erabaki genuen.

Urriaren 29an eta 30ean egingo duzue lehen ikastaroa. Zer landuko duzue?

Izan Proposamena zortzi ikaskuntzatan garatzen da. Lehen ikastaroan lau ikaskuntza landuko ditugu, eta otsailaren 11n eta 12an, gainerako laurak. Teoria eta praktika landuko ditugu, bakar-kako eta taldekako lanak egingo ditugu, solasaldietan parte hartu... Bi ikastaroetan parte hartzen dutenek Izan Proposamena osotasunean ezagutuko dute; baina aukera dago ikastaro bakar baten parte hartzeko.

Parte-hartzaileek baldintzarik bete behar dute?

Ez. Ikastaroetan parte hartu gura duten guztiak etor daitezke. Dena den, kontuan hartu behar da ikastaro batzuk gurasoendako direla eta beste batzuk irakasleendako. Bietan esparru teoriko bera landuko dugu, baina aplikazio praktikoa ezberdina izango da. Irakasleendako ikastaroan gelan lantzeko ariketak egingo ditugu, eta gurasoen ikastaroan egunero sor daitezkeen arazoak aztertu eta landuko ditugu.

Zer egin behar dute ikastaroan parte hartu gura dutenek?

Hiru bide dituzte izena emateko: 943 25 10 05 telefonora deituta; baketik@baketik.org helbidera mezua bidalita; edo, www.baketik.org helbidean. Informazioa gura duenak bide berberak erabil ditzake.

etxeko leihotik



Ubane Madera > arrasate@goiena.com

Geuk ere ipini behar dugu zatitxo bat

Aurreko baten tokatu zitzaidan Mojategiko kiroldegira joatea 17:30ean eta gero handik lantokira (Otalora kalera) buelta egitea, 18:30 inguruan.

Purrustada ederrak egin nituen, buelta eta buelta, apartatu ezinda, automobilak alde guztietan, ilara bikoitzetan... Azkenean, 20 minuturen ostean lortu nuen apartaketa; hori bai, lantokitik urruti samar.

Hasierako erreakzioa haserretzea izan zen, modu horretan ibiltzearen. Baina bi bider pentsatu ostean konturatu nintzen neuk ere errazera egin nuela.

Hau da, okurritu ere ez zitzaidan egin, adibidez, herri barruko urbanoaren orduetgia begiratzea, ea autobusa harterik baneukan. Izan ere, askoz erosoagoa da autoa hartzea, ezta? Niretako bai, behintzat.

Lantokian sarri entzuten dut bizitza honetan guztia edo ia guztia dela jarrera/borondate kontua. Eta esperientzian oinarrituta, neuk ere hala dela uste dut.

Eta nago hori bizitzako arlo guztietan aplikatzea komeni dela, baita, kasu honetan moduan ere, ingurumena zaintzeko kontuetan. Edo akaso, gehiago halako kontuetan, berez, bizitzako ohiturak aldatzea eskatzen dizkigute-eta halakoei, eta hori guztiondako izaten da nekagarria.

Ez da erraza, duda barik, eta baliabideak ere behar dira; baina apurka-apurka... txikia handitzen joaten da.

> Ahalegin handia egiten dabil Arrasateko Udala azken denboran herritarrek herrian ahalik eta errazen mugi daitezen. Esaterako, igogailu publikoak eraiki ditu eta urtea bukatzerako urbanoaren zerbitzua bikoiztu egin gura du.

> Lurraldebusek ere egin du ahalegina azkenaldian herri arteko autobus zerbitzua indartzeko, eta herritar asko dago pozik; hori bai, nik eskatuko nieke herri txikiak ere kontuan hartzeko eta sistema optimizatzen.

LITERATURA > AIPAMENA

Euskadi Saria jasoko du Fermin Etxegoien oñatiarrak

'Autokaraba'-n kooperatiban baten lan egiten duen pertsonaren istorioa kontatzen du

M.B. > OÑATI

Fermin Etxegoienek (Oñati, 1966) Euskadi Saria jasoko du. Idatzi duen lehen eleberriarengatik jasoko du saria oñatiarrak. Hain zuzen ere, *Autokaraban* liburuarengatik. Sariaren antolatzaileek gaur jakinaraziko dute albistea.

BI URTEKO LANA

Etxegoienek kooperatiba baten lan egiten duen pertsona baten istorioa kontatzen du. "Protagonista Euskal Herrian bizi da. Hiri handi baten familia izan du, baina bere jaioterrira bueltatzen da, eta kooperatiban hasten da lanean. Esperientzian oinarritutako literatura da, egungo familia zein laneko bizipenak jasotzen dituena", esan zion *Goienkariari* liburua aurkeztu zuenean.

Bi urte pasa eman ditu oñatiarrak *Autokarabana* eleberrira idazteko.

Atera etekina txartelari!

Abantailaz
betetako kluba!

Goiena
kluba

Abantailak

- Goienkaria astelehenetan eta egubakoitzetan etxeko postontzian jasotzea
- Goienak antolatutako ekitaldi eta ikastaroetan prezio berezia
- Goienak kaleratzen dituen produktuetan prezio berezia: DVD kopiak, CDak, kamisetak, GOIENKARIA-ko Sailkatuak, eskelak, ekitaldiatarako sarrerak... eta orain, opari eta deskontu paregabeak lortu ditugu zuretzat

Eta gainera, Goiena Klubeko zozketetan parte hartzeko aukera izango duzu.



Deskontu bereziak



BERGARA (Bazkidearentzat eta lagunarentzat)

- Laser depilazioa: hanka osoa + izterondoia
- **-%15** + opari besapekoak (axilak).
- **-%20** elikagai-intolerantzia proban.
- **-%10** mikropigmentazioan: begietan, ezpainenetan edo bekainenetan.
- **-%10** fototerapia bidezko aknearentzako tratamenduan.



RENAULT AUTOBERRI

ARRASATE/AZPEITIA/ELGOIBAR/IRUN/TOLOSA

- **-%5** konponketetan, ez bada prezio itxia edo promozioa.
- **-%25** saltzen ditugun pneumatikoetan, urte osoan.
- Ordezkapeneko autoa 20 euro.
- Erosketetaren momentuan, goian aipatutako deskontua baino handiagoa badago, bezeroari deskontu handiena eskainiko diogu.

IKER SUKALDEAK

ARRASATE/OÑATI

- Sukalde osoa erositako, etxetresna elektriko bat opari.



BERGARA/ARRASATE

- **-%5** pakete konbinatuetan 600 eurotik gorako erosketagatik (eskaintza berezietan izan ezik).



AVIA

ESTACIÓN DE SERVICIO ARRASATE (MECA)

- **-%2** gasolindegian erregaia erositako.
- **-%2** dendako produktuetan.



ARRASATE/OÑATI (18 urtetik gorakoentzako bazkideentzat)

- **-%15** ingeleseko eta euskarazko ikastaroetan, SISTEMA KONBINATUAN. Ikasturte osoan.
- **-%15** aurrez aurreko eskoletan.



ARETXABALETA

- **-%15** zerbitzu guztietan.

CLINICA DENTAL BERGARA

CLINICA DENTAL BERGARA

BERGARA (Bazkidearentzat eta familiako batentzat)

- **-%10** zerbitzu guztietan
- **-%15** inplanteetan.
- 120 eurotik gorako tratamenduetan garbiketa doan.

TXURI-URDIN Donostia

DONOSTIA

- Bi erosi eta bat ordaindu ostiraletan, ez bada jaiegun, jaiegun bezpera, zubia edo oporraldia.
- **-%20** larunbatetan eta igandeetan, ez bada zubia edo oporraldia.
- **-%10** zubi eta oporraldietan.



AQUARIUM DONOSTIA-SAN SEBASTIAN

DONOSTIA

- Bi erosi eta bat ordaindu (sarrera garestiena ordainduko da).



BERGARA

- **-%15** inskripzioa ordaintzean.



DONOSTIA

- Bi erosi eta bat ordaindu (sarrera garestiena ordainduko da).

Enpresendako: Zure enpresa Goiena Klubean eskaini nahi baduzu jarri gurekin harremanetan.

Telefonoa: 943 25 05 05 | Posta-e: kluba@goiena.com

MANKOMUNITATEA > GOBERNU BATZORDEAREN BILERA

Atez ateko sistemaren gaineko komunikazio kanpaina abian

Eudelek proposatutako ordainsarien murrizketarekin bat egitea erabaki zuen Mankomunitateak eguazteneko batzordean

EDU MENDIBIL > BERGARA

Eudelen proposamenarekin bat egin zuen Debagoieneko Mankomunitateko Gobernu batzordeak eguaztenean. Gainerako instituzioekin jardura bateratua eta koordinatua proposatu zuen Eudelek maiatzean. Murrizketa hori soldata-masaren %5ekoa izango da urteari dagokionez, Eudelen proposamenaren arabera, eta %2,86koa ekainetik abendura arteko epean. Soldata txikien duten langileen ordainsaria %0,56 murriztea proposatu du Eudelek urteko bigarren zatirako. Gehien kobratzen dutenek, berriz, %2,72 gutxiago jasoko dute. Mankomunitateko langileekin neurriok jarraitzeko proposamena onartu zuten eguaztenean.

ATEZ ATEKO KANPAINA

Bestalde, Debagoiengan zaborrak atez ate batzeko sistema ezartzeko komunikazio kanpainari ekingo dio Mankomunitateak. Hiru enpresa gonbidatu dituzte proposamenak aurkeztera: Harman (Oiartzungoa), Artelatx (Tolosa) eta Ortzadar (Bilbo). Azaroaren 5era arte dute

proposamenak aurkezteko epea eta abenduan ekingo diote kanpainari Mankomunitatetik. 60.000 euro inguru da aurrekontua. Pedro Lasagabaster Manko-

munitateko presidentearen arabera, gauzak ondo egiten laguntzea da kanpainaren helburua. Mankomunitatea atez ateko sistemaren alde azaldu da eta Antzuola izango da sistema ezartzen lehena. Zaborra batzeko sistema berria ezartzeko modurik onena mailakatua izango dela adierazi dute Mankomunitateko iturriek. Herri bakoitzean oso

ko bilkurak eman beharko dio onespene atez ateko sistemari.

ZABOR TASAREN IGOERA AZTERGAI

Bestalde, 2011ko zabor tasei buruzko proposamena ere aztertu zuten eguazteneko batzarrean. Bada, %1,99 igotzea da Mankomunitatearen proposamena, baina erabakia udal bakoitzak izango du.



Atez ateko sistemaren gaineko komunikazio kanpaina egingo du Mankomunitateak abenduan.

GOIENKARIA



Felipe Antonio Igartua.

Felipe Antonio Igartua > Pentsioduna

"Gizarte Segurantzza Euskadira ekarri behar dugu"

EDU MENDIBIL > BERGARA

Gipuzkoako Jubilatuta eta Pentsiodunen Plataformak deituta, manifestazioa egingo dute egubakoitzean, hilaren 29an, Donostian, 11:00etan. Debagoieneko Pentsiodun eta Aurretik Erretiratuen Elkarte (Appalde) presidentea da Ugarte oñatiarra.

Pentsiodunen egoera hobetzea, horixe aldarrikatu nahi da Donostian.

Argi dago urtetik urtera gure erosteko ahalmena beherantz doala, eta azkenaldiko murrizketekin zer esanik ez... Alargunak ere ez daude egoera batere onean eta aurretik erretiratuen pentsioak ere baxuak dira. Egoera hobetzea aldarrikatzen segitu behar dugu, bestela gero eta murrizketa gehiago etorriko dira-eta.

Biztanleria gero eta zaharra-goa eta pentsioak ordaintzeko nahikoa diru ez...

Horretan oinarritzen dira, baina pentsioen dirua langileek eta Patronalak jarritako dirutik dator.

Zein da zuen aldarrikapena egoera hobetzeko?

Interesgarria izango litza-teke Euskadira ekartzea Gizarte Segurantzako transferentzia. Jaurilaritzan badute gure eskaera jasota. Ea Jauregi ministroak zer egiten duen...

Hainbat elkarteren laguntza izan dute proiektua gauzatzeko; inaugurazio ekitaldia 17:30ean izango da

OÑATI > ONDAREA

Arrikruzteko Interpretazio Gunea inauguratuko dute bihar

E.M. > BERGARA

Arrikruz-Oñatiko Koben Interpretazio Gunearen inaugurazioa izango da bihar, martitzena, kobetako harreragunean, 17:30ean.

Proiektura hurbiltzen diren bisitariei kobetan guztiz murgil-

du eta esperientzia berria bizi izateko aukera eskainiko diete aurrerantzean. Hainbat elkarteren laguntza izan dute proiektua gauzatzeko; besteak beste, Aloña Mendi Espeleologia Taldea, Tantai Naturlanak, A. Arrizabalaga,

E. Beruete, Aritza... Azken hila-beteotako lanaren emaitza da Interpretazio Gunea.

DUELA 120 MILIOI URTETIK...

Hainbat gai landu dituzte: koben kokapena; kareharriaren erake-

ta eta bilakaera; paisaia karstikoa; Gesaltza-Arrikruz-Jaturabe multzo karstikoa; Oñatiko espeleologiaren historia; paleontologia; koba animaliak; troglobioak; eta kronograma, orain dela 120 milioi urtetik gaur arte.

Ukabi
informatika

Enpresa kudeaketa aplikazioak

Era guztietako webguneen diseinua

Etterako eta enpresetarako salmenta

Domingo Irala z/g
(Ariznoa aurrean)
BERGARA Tel.: 943 76 51 95



Eskaintza eksklusiboa

Prezio hauekin, edonork izan dezake eskuko ordenagailua!

Lenovo G550 eramangarria

- Teknologia: Intel Pentium Dual Core T4400, 2.20ghz
- RAM: 4 GB
- Pantaila: 15,6 hazbeteko LED pantaila.
- Disko gogorra: 320 GB
- Integratutako webcamera: Bai
- Sistema eragilea: Windows 7 Home Premium
- DVDRW

... eta ehunka produktu eta eskaintza aurkituko dituzu gurean.

Elkar Hezi ikastetxeko Guraso Elkarteak antolatuta, Juan Carlos Alonso psikologoak hitzaldia egin zuen eguenean. Bereziki Haur eta Lehen Hezkuntzako gurasoei zuzendutako hitzaldia izan zen. Familian gertatzen diren banaketan edo heriotzen aurrean haurrekin nola jokatu azaldu zuen Alonsok. Aipatutako egoerei aurre egiteko zenbait gomendio eman zituen.

Juan Carlos Alonso > Psikologoa

"Egoera berrietara egokitzeke uste baino ahalmen handiagoa dute haurrek"

EDU MENDIBIL > OÑATI

Juan Carlos Alonso (Erreterria, 1959) psikologoa gonbidatu zuten eguenean Elkar Hezi ikastetxera hitzaldia egitera. **Nola jokatu familian gertatzen diren aldaketen aurrean?** gaiari heldu zion Alonsok eguen arratsaldean, eta banaketan edo heriotzen aurrean seme-alabekin nola jokatu behar den azaldu zuen. Gurasoen formazioan eta hezitzaileekin lanean jardundakoa da Alonso. Era berean, urte asko daramatza heziketaren inguruko hitzaldiak egiten han eta hemen.

Aldaketen aurrean familian nola jokatu. Traumatikoak gerta daitezkeen egoeren aurrean babestuagoak dauka gaurko haurrak?

Gaur egungo gurasoen heziketa tankerari erreparatu gero, orokorrean haurrak babesteko edo gain-babesteko joera dagoela esango nuke. Edozelan ere, ez zait gustatzen orokortzea, denetariko kasuak daudelako, baita zuzen jokatzeko dutenena ere, haurrei behar duten denbora eskainiz, arauak ezarritik, balioak transmitituz...

Eta zein litzateke jokabide zuzena etxeko "aldaketen" berri eman behar denean?

Seme-alaben adina, garapena eta izaera izan behar dira kontuan, baina epe motzean datozen aldaketen berri eman behar diegu haurrei. Argi informatzea da onena, haien zergatiari arreta eskainita eta modu zuzenean erantzunda. Azken baten, familian banaketak, heriotzak edo gaixotasun larriak izaten badira, eta ez baditugu seme-alabak informatzen, zerbait arraroa sumatuko dute haiek, eta segurtasunik eza eta antsietatea eragin diezaikegu.

Banaketaren kasuan, esaterako, gurasoei ez zaie batere erraza gertatuko horren gainean seme-alabei berba egin behar izatea.

Gurasoek egoera kontrolpean dutela transmititu behar dute; haiek lur jota geratzen badira, normalena haurrak ere lur jota egotea izango litzateke. Seme-alaben segurtasuna bermatzea ezinbestekoa da, berdin berdinean babestu eta maitatuko ditugula transmititu behar diegu. Gurasoek norabide berean egin behar dute aurrera, egonkor, oreka psikologiko eta emo-

zionalari eutsiz, eta seme-alaben aurrean kontraesanetan jausi barik. Gurasoek "ados" egon behar dute nolabait, kontraesanez nahasmena ekartzeko arriskua daukatelako. Seme-alabek eguneroko bizitzan ahalik eta aldaketa gutxien sumatzen

KONFIANTZA

"Ez baditugu haurrekin aldaketak konpartitzen, sumatu egingo dituzte, eta segurtasunik eza eta antsietatea eragin"

ADINA

"Beti zerbait adierazi behar diegu haurrei; informazioa haurraren adinari egokitzea da kontua"

NORMALTASUNA

"Aldaketak egon arren, ohiko bizimoduari eusten ahalegindu behar dugu beti"

HERIOTZA

"Aitaita edo amama hiltzen badira, haien argazkiak ikustea ariketa interesgarria da txikiendako"

EMOZIOA

"Haurrek emozioak espresatzea onartu behar dugu, marrazketarekin dela, gorputz adierazpenarekin..."

badute, askoz hobeto.

Zein punturaino da erabakigarria seme-alaben adina?

Nahiz eta haurrak txikiak izan, 3-5 urte bitartekoak adibidez, aldaketa traumatikoen berri eman behar diegu, haien garapen psikologikoa kontuan izanda, noski. Baina bere mailan beti zerbait adierazi behar diegu. "Ez du ulertuko" edo "Ez da konturatzen" aitzakiak entzuten ditugu maiz, baina ez da egia. Informazioa haurraren adinari egokitzea da kontua.

Eskolaren zeregina halakoe-tan zein izan daiteke?

Eskolak eta familiak haurrak hezten jarraitu behar dute eta eskolak informazioa jasotzea komeni da, zenbaitetan gertatutakoa ezkutatzeko joera dutelako gurasoek... Nahiz eta eguneroko bizitzan aldaketak egon, bizimodua ahalik eta normala egiten ahalegindu behar dute haurrek. Oreka emozionalari eustea da inportanteena. Ezin gaitzke txantaje emozionalan erori: haurra sufritzen dabil eta hobe izango da hau edo beste hau ez egitea. Ez. Egoera berrien aurrean uste baino malguagoak dira haurrak eta badituzte baliabide intelektualak eta psikologikoak aurrera egiteko; egoera berrietara egokitzeke uste baino ahalmen handiagoa daukate.

Oñatiko hitzaldian heriotzari eta banaketari aurre egiteko gomendioak edo zertzelada moduko batzuk aipatu dituzu. Goazen heriotzarekin lehenbizi...

Normalizatzea da kontua. Txikitandik has gaitzke lan horretan eta horren adibide izan daiteke etxeko animalien heriotzak gertatzen direnean. Haurrak momentu horiek bizi izatea inportantea da, etorkizunean gerta daitekeenari aurre egin ahal izateko. Gauza bera elizkizunekin... 7 urterekin seme-alabak horretara ohitzea ez legoke gaizki. Aitaita edo amama hiltzen badira, haien argazkiak ikustea edo bizipenak oroitzea ariketa interesgarria izango da etxeko txikiendako. Azkenik, haurrek emozioak espresatzea onartu behar dugu, marrazketarekin dela, gorputz adierazpenarekin...

Bukatzeke, banaketa nola bizi etxean?



Juan Carlos Alonsok hitzaldia egin zuen eguenean Oñatin.

GOIENKARIA

Aurretik esandakoari jarraituz, neska-mutikotxoaren aurrean senar-emazteek, bikoteek, elkarrengandik gaizki esaka ibiltzea, ez da sekula egin behar. Horrekin batera, umearen aurrean biktima moduan ere ez da agertu behar.

Bestalde, haurra informatzaile moduan erabiltzea, aitaren edo amaren gorabeheren berri jakiteko ere ez da komeni. Eta haurrekin ez egin ekintza dibertigarriak bakarrik. Hobe da hezteko, gozatzeko eta lasaitzeko estrategiak bultzatzea.



Hemen, erabateko ezbeharrak,
sute edo lapurretak esan nahi du
**Auto berriaren balioaren
%100 bi urte igaro arte**

- > %60rainoko hobaria gidari ona izateagatik.
- > Bidaian laguntza 0 km-tik, 24 orduetan, 365 egunetan.
- > Kristal-apurtze, lapurreta edo suteagatik parteek ez dute frankiziarik ordainduko, ezta hobariari eragingo ere.
- > Eta hasteko, Esku Libreko bat opari duzula abiatuko zara.

Informa zaitetz eta kalkulatu zeure prima kutxaren edozein bulegotan.



kutxa
zugandik zugana

kale inkesta

Gipuzkoan, batzen den perretxiko kopurua eguneko bost kilora mugatu nahi dute. Zer deritzozu?



Jose Luis Etxaniz
Erretiratua
Bergara

Ondo iruditzen zait. Uste dut bost kilo nahikoa direla. Muga bat ipintzea ondo dago. Dena dela, zigorrak ipintzearekin ez nago ados. Bost kilo baino gehiago batu dituenari gainontzeko perretxikoak kendu eta listo!



Mertxe Arrieta
Langilea
Bergara

Uste dut bost kilo asko direla, askotan zaila izango da horrenbeste batzea. Dena dela, ondo iruditzen zait nolabaiteko neurriak hartzea. Jende askok, mendira joan, eta sekulako sarraskiak egiten ditu.



Pedro Toledano
Erretiratua
Bergara

Ni ez naiz perretxikotara joaten, baina bost kilo asko iruditzen zaizkit. Nik neuk bi kiloko muga ipiniko nuke. Denek aukera berdinak izan behar dituzte eta ez gutxi batzuek perretxiko guztiak batu.



Joxe Antonio Arregi
Erretiratua
Bergara

Oso gaizki iruditzen zait. Bizi guztian joan naiz perretxikotara eta sekula ez dugu horrelako mugarik ikusi. Norberarendako badira ez dut ondo ikusten mugak jartzea; saltzeko-edo badira bai. Orduan bai.

irakurlearen txokoa

943 25 05 05
goienkaria@goiena.com

ARRASATE

> Kiroldegi inguruan espaloian aparkatzen dute askok

Arrasatear batek posta elektronikoa bidali digu honako kexa egiten: "Musakolako kiroldegi kanpoan gidariak behar ez duten tokian aparkatzen dute: espaloian. Batez ere arratsaldeetan, bete-beteta egoten da. Gainera, udaltzainek oharrak utzi bai, baina isunik ez dute jartzen, eta horrela, jendeak ez du ohitura aldatu beharrik ikusten". Eta bukatzen du: "Aparkaleku falta arazoa da guztiondako, baina espaloiak inbaditzea ez da jokatzeko modua".

BERGARA

> "Gazteak anima daitezela odol-emaile egitera!"

Atzo batzarra izan zuten Debagoieneko odol-emaileek Elgetan. Bergarako odol-emaile batek hauxe esan digu: "Ni orain dela gutxi hasi naiz odola ematen, eta zorionak eman nahi dizkiet urteak daramatane. Ematen du Debagoienean ondo gabiltzala odol-emaile kopuru aldetik; baina zenbat eta emaile gehiago, hobeto. Gazteak animatu nahi ditut odol-emaile egitera, merezi du-eta".

ARETXABALETA

> Minbiziaren prebenitzeko errebisioak, gero eta murriztagoak

Bularreko minbiziaren nazioarteko eguna izan berri dela-eta, Aretxabaletako emakume batek kexa hau helarazi digu: "Larrua behar da errebisio ginekologikoak maiz egin behar ditugula esateko, jakinekoea denean Osakidetzak urtetik urtera ginekologia zerbitzuan murrizketak egiten dituela, gure osasunaren kalterako".

ustek uste

Arritxu Barruso

36ko gerrako izarrak, bizirik

Eguenean, urriak 21, 74 urte bete ziren Hernaniko kanposantuan 19 debagoiendar fusilatu zituztela eta, besteak beste, horixe ekarri zuen gogora gure ibarra bisitatu zuen Oroimenaren Autobusak. Ekitaldi hunkigarria egin zuten Aretxabaletan. Gerran fusilatutako 122 debagoiendarrak gogorarazi zituzten eta bakoitzaren izenarekin izar marka duen pegatina bana jarri zuten senitartekoei eta lagunek. Izarrak urte asko bizi dira. Bada, jarrai dezatela gure memorian urte askotarako Debagoieneko izar hauek ere; askatasunaren, demokraziaren eta etorkizun duin baten alde borroka egin zuten izarrak.

Malko Gorriak dokumentala ere estreinatu zen egunean; 36ko gerran, Aretxabaletan girotutakoa. Hunkigarria eta gogorra da dokumentala; urte horietan gure herrietan bizi izan zena benetan gogora izan zelako.

zorroztailea



Joxemari Muxika

Ze inposizio?

"... Kontsumitzaileen eta Erabiltzaileen Hizkuntza Eskubideei buruzko Dekretuaren gainean, aipatu zuen Jaurilaritzak ez duela inolako asmorik euskara ez erabiltzeagatik enpresa bati isuna jartzeko eta, beraz, dekretua berregingo duela: "Hizkuntza normal-kuntza kontsentsutik soilik etorriko da, eta inoiz ez inposiziotik."

Erabili.com > 2010-10-22



Lurdes Auzmendik dio "Hizkuntza normal-kuntza kontsentsutik soilik etorriko da, eta inoiz ez inposiziotik". Ados nago printzipio horrekin, oso egokia deritzot eta sailburu batek hiritar guztioi inposizioa ez dela bidea gogoratzea ere ondo dago.

Euskararen erabilera areagotu nahian gabiltzanok aspalditik daukagu harremanetarako jarrera hori, baina, nola neurtzen da inposiziorik dagoen edo ez? Euskararen alde hobe beharrez hartutako neurriak direnean bakarrik gertatzen al da inposizioa?

Badago jendea bi belaunalditan zehar euskal hiztunen artean bizi dena eta euskaraz egiten ez duena, "no entiendo" batekin ahoa bete hortz uzten zaituena edo, "hable en castellano" zakar batekin erantzuten dizuna. Nola baloratu behar da guzti horien jarrera? Horrela funtzionatzen duen jendea beti hartzekeokin dabil. Beraien seme alabentzako euskararen jakintza bermatzeko nahi-ko euskara irakasten ez duten eskolak nahi dituzten gurasoei elkarbizitzarako proiektu kontsentsutua hausten dutela esaten al zaie?

Euskararen aldekoie bakarrik gogoratu behar al zaie balizko jarrera inposatzailea delako hori? Noiz entzungo diogu horrelako deklarazio bat Eusko Jaurilaritzako Lehendakariari edo Hizkuntza Politikarako Sailburuari, jarrera inposatzailea euskararen kaltetan denean?

Jende guztiak ez du euskara baztertzeko jarrera hori zorionez. Makina bat jende ezagutzen dugu ederki asko euskara eta gaztelania ikasi duena eta eragozpen horretatik libre beraien buruari eta solaskideari nahi duten komunikazio hizkuntza hautatzeko aukera ematen diona. Elkarrekin bizitzeko filosofia horri esker modu atseginean aurreratzen ari gara hainbat lekutan inoren aukera baztertu gabe.

Hizkuntza egoera asimetricoa orekatzea ezinbestekoa da elkarbizitza atsegina nahi bada. Guztiok izan behar dugu batak bestearenganako errespetua, baita enpresariak ere eta ezin da atzera egin hauen lehenengo purrustadan.

"Noiz entzungo diogu horrelako deklarazio bat Eusko Jaurilaritzako Lehendakariari, jarrera inposatzailea euskararen kaltetan denean?"

Goienkaria

Argitaratzailea Goiena Komunikazio Zerbitzuak Kooperatiba Elkarteak • E05 Basabe Poligonoa • 20550 ARETXABALETA

Lehendakaria Estepan Plazaola Zuzendari nagusia Inazio Arregi

Zuzendaria Eneko Azkarate Erredaktore burua Monika Belastegi

Asteburuko erredakzioaren arduradunak
Monika Belastegi eta Leire Kortabarria Erredakzioa Arritxu Barruso, Irati Goitia, Amaia Txintxurreta, Maider Arregi Oinarritzko diseinua Goio Arana Diseinu arduraduna Iñaki Iturbe Maketazioa Kepa Martelo Publizitate arduraduna Mireia Larrañaga Harpidetza eta banaketa Marta Leturia Administrazio arduraduna Agurtzane Gaintzarain

EGOITZA NAGUSIA

BERGARA 20570 Ibarra kalea 6 • Tel.: 943 25 05 05 • Faxa: 943 25 05 12
Posta-e: goienkaria@goiena.com

ORDEZKARITZAK

ARRASATE 20500 Otalora Lizentziaduna 31 • 132 posta-kutxa • Tel.: 943 25 05 05 • Faxa: 943 25 05 00
Posta-e: arrasate@goiena.com

ARETXABALETA 20550 Durana 11 • Tel.: 943 79 86 21 • Faxa: 943 77 18 54
Posta-e: aretxabaleta@goiena.com

Publizitatea Aretxabaleta 20550 E05 Basabe Poligonoa • Tel.: 943 25 05 05 • Faxa: 943 25 05 09
Posta-e: publi@goiena.com

Harpidetza Aretxabaleta 20550 E05 Basabe Poligonoa • Tel.: 943 08 10 50 • Posta-e: harpidetza@goiena.com

Lege Gordailua: SS-0088/04 • ISSN: 1697 3542 • Tirada: 5.000 ale • Difusioa: 4.383 ale



ASTELEHENKO GOIENKARIAK ez du bere gain hartzen IRITZIA orrialdean edo kolaboratzaileek adierazitako iritzien erantzukizunik.

Gipuzkoako Foru Aldundiak diruz lagundutako aldizkaria



Gipuzkoako
Foru Aldundia



EUSKO JAURLARITZA
GOBIERNO VASCO

KULTURA SAILA
Hizkuntza Politikarako Sailburuordetza

Eusko Jaurilaritzako Kultura Sailak diruz lagundutako aldizkaria

Herriak

Arrasate > 14 Bergara > 16 Oñati > 18 Aretxabaleta > 19 Eskoriatza > 19
Antzuola > 20 Aramaio > 20 Elgeta > 20 Leintz Gatzaga > 20



> **ARRASATE**
Arrasate Lehiaketen 24. edizioa abiarazi du AEDk eta lanak aurkez daitezke otsailaren 4ra arte > 15



> **BERGARA**
Azoka egingo du dendarien Bedelkar elkarteak azaroaren 6an eta 7an, pilotalekuan > 16



> **OÑATI**
Ugarkalde auzoko haur parkea eta lorategia zabaldu dituzte dagoeneko > 18

ARRASATE > HEZKUNTZA

Izan ginena, garena eta izango garena ezagutzeko unitate didaktikoak prest

KULTURA ONDAREA

Herritartasuna sustatzeko ahalegina, herria hobeto ezagutzeko asmoz

SEI UNITATE

Lehen Hezkuntzako ikasleei zuzendutako unitate didaktikoak aurkeztu dituzte

MAIALEN GONZALEZ > ARRASATE

"Aurrerabidean jatorria ezinbesteko mugarrria denez, gure sustraiak eta ondarea, nondik gatozen jakitea da etorkizuna eraikitzeke lehen harria". Herritartasuna eta kultura ondarea sustatzea helburu, *Herria ezagutzen* egitasmoa aurkeztu dute, besteak beste, Arrasateko Udaleko Hezkuntza Saileko Oihana Aranburu zinegotziak eta Juanito Barberan teknikariak. Bertan izan ziren, baita ere, *Hik Hasi*-ko bi ordezkari eta herriko ikastetxeetako ordezkariak.

2010-2011 IKASTURTERAKO

Sei unitate didaktikoz osatutako egitasmoa da, 6-12 urte bitarteko haurrentzat egina. Ikasturte bakoitzean, beraz, unitate bana landuko da. Horieta bakoitzak herriko ondareekin lotutako hainbat kontzeptu eskaini eta herriko pertsonaia, bitxikeria, abesti zein ohiturak ezagutzeko eta lantzeko aukera emango du. Eta, bide batez, euskal curriculum gertutik erakitzen hasteko eta ikasleen interesa pizteko, gertukoak zaizkien ezagutzetatik abiatuko dira.

Gaien aukeraketa Udalaren ardura izan da eta hauek dira unitateen izenburuak: *Izan ginelako*, *Errementarien zalapartapean*, *Handitzen handitzen*, *Gure altxorra*, *Izan ginelako gara eta Ekin eta ekin*. Udalaren asmoa liburuxkak 2010-2011 ikasturterako argitaratzea da.



Eguneko aurkezpenean, goian, ezkerretik: Balantzategi, Eizmendi, Urbe, Mondragon; behean: Mendizabal, Aranburu eta Barberan.

JOKIN BEREZIARTUA

HERRITARTASUNA ETA ONDAREA

Arrasateko Udalak, *Hik Hasi* aldizkariarekin eta herriko ikastetxeekin elkarlanean, egungo ikasleek euren herriari buruz duten informazio eskasia azpimarratu nahi du. Izan ere, gaur egungo teknologia berriek edonoren eskura jartzen duten gehiegizko informazioak herrietako kultura ondareari kalte egiten diotela aipatzen dute: "Gure herriari buruzko informazioa sakabanatuta dago, nahastua eta belaunaldi batetik besterako igarobidea askotan ondo zehaztu gabe".

Herria ezagutzen egitasmoaren bidez hori guztiori gaintzea da helburua: "Izan ginenez, gare-

naz eta izango garenaz jabetzeko asmoz, gure herria bertatik bertara ezagutu eta ezagutarazi ahal izateko".

ELKARLANEAN

Hik Hasi-k Orereta, Villabona eta Hondarribia herrietarako proposatutako ereduari jarraituz, Udaleko Hezkuntza Sailak ekimen hori aurrera eramatea erabaki zuen. 2008ko ekainean Hezkuntza batzordean aurkeztu zuten lehenengoz Lehen Hezkuntzako hirugarren mailako ikasleei zuzendutako herriko ondare kulturalari buruzko unitate didaktikoa eta informazioa. Harrezkero, unitate didaktikoan lanean ibili dira, *Hik Hasi* aldiz-

kariaren eredu oinarritzat hartuta. Udaleko Hezkuntza Saila arduratu da Arrasate herriaren iraganaz eta orainaz dauden liburuak eta informazioa jasotzeaz eta sailkatzeaz. Behin lan hori egin da, herriko ikastetxeetako irakasleekin harremanetan jarri ziren, eta gida pedagogikoa aurkeztearekin batera haien ekarpenak eta iradokizunak jaso. Ondoren, unitate didaktikoa eta gida pedagogikoa *Hik Hasi* aldizkari bidali zuten. Haiek edukia, proposatutako jarduerak eta gidaren azalpen pedagogikoak aztertu eta behin betiko unitatea proposatu dio Udalari.

Behin martxan jarrita, Lehen Hezkuntza osoari begira hasi

ziren lanean. Unitate didaktikoa bukatutakoan, ikastetxeekin batera hausnarketa egingo da.

Etorkizuneko proiektu interesgarrien artean, hauek aipatu zituzten: webgunea sortzea, bertan, unitate didaktikoak, gida pedagogikoak edota herriko toponimiaren inguruko informazioa zintzilikatuz.

Bestetik, hausnarketatik abiatuta Helduen Hezkuntzako (HH) eta Bigarren Hezkuntzako (DBH) ikasleei begira egin daitezkeen proposamenak zehaztea; eta, hezkuntzan ez ezik, herritarren artean ere ondare kulturala ezagutarazteko egitasmoa garatzeko plangintza egitea.

ESKORIATZA > HERRIEN ARTEKO ERRONKA

Degurixa, Eskoriatza eta Aretxabaletarendako

Oñatiarrek ez diote hordagoari erantzun eta Degurixatik urrunago daude orain

MAIDER ARREGI > ESKORIATZA

Degurixa norena izango den urte-
etako eztabaida izan da. Uztaile-
an behin betiko erronka egingo
dute Degurixan eta hor erabaki-
ko da lur-eremu hori bi urteta-
rako zein herrirena izango den.
Aurretik baina, herri bakoitzean
Geurie Don/k Degurixa! jaia
egingo da. Hala, otsail aldera
Aretxabaletan egingo dute jaia.
Oñatin, berriz, aurrerago egitea
pentsatuta daukate antolatzaile-
ek. "Ez dakigu oñatiarrek horda-
goari erantzungo dieten. Antza
denez, Degurixan egingo den fina-
lera joango dira bakarrik. Oilo
bustiak ez daitezela izan esan
nahi diegu eta ea Oñatitik sarri-
ago irteten diren!"

Garagardoa eta umorea izan
ziren nagusi zapatuko jaian.
Zelaieta eta Otamena Hamaika
Bertuteko bertsolariak giroa eta
lehiakideen arteko *pikera* areago-
tu zituzten jokotik jokora. Azke-
nean, berdinketa nagusi eta Degu-
rixa erdibana izango da Eskoria-
tza eta Aretxabaletarendako.



Guztira, sei proba egin zituzten Eskoriatza eta Aretxabaletako gazteek. Azkenean hiruna berdindu zuten Degurixa erdibanatuz.

JOSETXO ARANTZABAL


DEGURIXA NORENAK IZANGO DA?

Iratxe, Ane eta Maialen
Eskoriatza

"Eskoriatzak irabaziko duela ez dugu zalantzan jartzen. Gainera, Oñatiko-
ak ez dira azaldu eta aukera gehiago izango dugu Degurixa gurea izateko
(kar, kar). Guk irrintzi lehiaketan hartuko dugu parte eta prestatuta gatoz
aurre egiteko aretxabaletarrei. Badakigu jendeak aste barruan entrena-
menduren bat egin duela eta ondo antolatuta etorriko dela. Helburua da
ondu pasatzea eta herriak batzea jai giro ederrean".

Jone
Oñati-Aretxabaleta


"Oñatikoak ez dira agertu eta pena
bat izan da. Hiru herriak aurrez
aurre ikusi gura genituen. Nik Oña-
tiko odola daukat, bihotza Aretxa-
baletakoa. Beraz, Aretxabaletaren
alde hartu dut parte gaurkoan".

Gorka, Ibai eta Gari
Aretxabaleta

"Aretxabaletak dena emango du, beti moduan. Degurixa betidanik izan da
Aretxabaleta eta uztailean gurea izango da bi urterako. Gu garra gara eta
eskoriatzarrak egurra dira! Proba guztietan Aretxabaleta moldatuko da ondo-
en, ez daukagu zalantzarik, propio prestatutako selekzioa ekarri dugu-eta.
Atzo, oliba hezurrekin praktikatzen ibili ginen. Asteazkenean baserrian ibi-
li gara belar fardoekin probak egiten".

ELGETA > TXAPELKETA

Bolatoki tabernako odolki pintxoa saritu zuten Elgetan

HAURREI MASAJEA EMATEN
IRAKASTEKO IKASTAROA0-1 urteko haurrak
dituzten gurasoendakoANTOLATZAILEA
MUGI, Psikomotrizitate,
Prebentzio eta Laguntza ZentroaTOKIA
Araba etorbidea 3, 2-3.atea ARRASATEEGUNAK
Azaroak 3, 10, 17 eta 24.ORDUA
10:30etik 12:00etara.INFORMAZIOA
MUGI ZENTROAN - 943 77 08 05
ARRASATE

- LASAITZEKO
- HOBETO LO EGITEKO
- KOLIKO ETA
HORTZALDIETAKO
MINAK BARETZEKO
- UMEAREN KOMUNIKAZIO
AFEKTIBOA SENDOTZEKO
- INMUNITATE-SISTEMA
SENDOTZEKO

Odolkia, karbonara
fina, txanpiñoiak,
langostinoa eta piper
saltsaz eginda zegoen

AMAIA TXINTXURRETA > ELGETA

Elgetako III. pintxo lehiaketan
bost ostalarik hartu zuten parte:
Elgeta hotelak, Iñaki jatetxeak eta
Patxi, Bolatoki eta Haizea taber-
nek. Herriko hiru elkartetako
ordezkariak osatutako epaima-
haiak erabaki zuten Bolatoki
tabernako pintxoa saritzea.

PINTXOAK TABERNETAN

Lehiaketara aurkeztutako pin-
txoak dastatzeko aukera egon
zen, gainera; pintxo bakoitza euro
baten. Bolatoki tabernak iraba-
zitateko pintxoa bezalako 60 saldu
zituena eta arrakasta lortu zuen.



Mari Karmen Salas eta Jesus Lopez sukaldariak pintxo sarituarekin.

J.A.

ARRASATE > DANTZA JAIALDIA

Urteurreneko azken ospakizun beroa

Jaialdi erraldoia egin zuten Txikitxu-Arrostaitz dantza-taldeen urteurrenak ospatzeko zapatuan, eta Uarkape txiki gelditu zen

IRATI GOITIA > ARRASATE

Txikitxu dantza taldeak 40 urte eta Arrostaitz taldeak 20 urte bete dituztela ospatzeko ekitaldi nagusia egin zuten zapatuan. Ia bi ordu inguruko saioa izan zen eta Euskal Herri osoko dantzak taularatu zituzten. Urte hauetan guztiotan dantza taldeetan aritu direnek hartu zuten parte, eta, hala, 5-6 urteko neska-mutikoetatik hasi eta 40tik pasatako beterranoak elkartu ziren. Arrasateko erraldoien, Arrasate Musikalen eta Oñatz dantza-taldearen babesarekin izan zuten, besteak beste.

'ZORIONAK'

Saioaren amaieran, urte hauetan horrenbeste lan egin duten Marga Merkader, Eugenio Garzia, Iñaki Lizarralde eta Kepa Uranga omendu zituzten. Ikuskizuna *Zorionak* abestuz amaitu zuten.

Ospakizunari amaiera 300 lagun inguru batu zituen afariarekin eman zioten.



Omenduak hunkituta.

JOSETXO ARANTZABAL



Txikienak makil dantzarako prest.

J.A.



Arrostaitz eta Oñatzeko dantzariak.

J.A.



Adin guztietako dantzariak elkartu ziren eta bukaeran denak batu ziren.

J.A.

ARRASATE > OSPAKIZUNA

Adin tarte guztiendako ekintzak izan ziren Ikastola Egunean

ZER DIO DEBAGOIENKO MANKOMUNITATEKO PRESIDENTEAK?

ZER DIO ARETXABALETAKO LORAMENDI EUSKARA ELKARTEAK?

Gosari erraldoia izan zen berritasun nagusia: 100 lagun batu ziren Ferixalekuan

LEIRE KORTABARRIA > ARRASATE

Aurten, bi berezitasun izan ditu Arizmendi Ikastolaren Eguna: bata, Perretxiko Eguna batekin batera ospatu dutela; eta bestea, ekintza berri gisa, gosari erraldoia egin dutela LHko 3. eta 4. mailakoentako. Aitor Elizaran antolatzailea bereziki pozik zegoen

ekintza horrek izan duen arrakastarekin: 100 bat lagun batu dira mahaiaren bueltan.

Adin guztietako ikasleendako zein helduendako egon zen zerbait domekako ospakizuneari: Argitxoren urtebetetzea, txikienendako; herri kirolak eta Mihiluze, helduxeagoendako; Perretxiko Eguna DBHko 1. eta 2. mailakoentako; tailerrak eta gau ibiltaria, DBHko 2. eta 4. maila artekoentako; eta mendi bizikleta, batxilergoko ikasleendako. Ferixalekuan, Uarkapen, Herriko plazan, Kulturaten eta gazte-txean egin zituzten ekintzak.



Ikasleak, sokatiran.

JOSETXO ARANTZABAL

GIZARTE ZERBITZUAK > LARRIALDIETARAKO LAGUNTZAK

Larrialdian dauden guztiei laguntzen segitu edo ez hausnartzen

Jaurlaritzari dagokio laguntza horiek finantzatzea, baina aurten gastuaren erdia ere ez du kubrituko

UBANE MADERA > ARRASATE

Urtea bukatzerako Udalak 450.000 euro inguru gastatuko ditu larrialdi egoeran dauden herri-tarrei laguntzen.

Oraingo, 424.988 euro gastatu ditu dagoeneko eta beste 280.673 euroko gastua hitzartuta dauka urte amaierara arte.

Izan ere, larrialdi egoeran dauden 220 herritar babesten ditu Arrasateko Udalak gaur egun.

GEHIENA ETXEBIZITZA GASTUETAN

Herriko erakunde nagusiak partituko dituen 450.000 euro horietatik 235.010 euro etxebizitza gastuetan laguntzeko emango ditu: alokairuak ordaintzeko, adibidez.

Beste 164.505 euro mantenu gastuetan laguntzeko emango ditu: komunitatea ordaintzeko, argindarra, gasa...

Eta gainerakoa (50.400 euro pasa) altzariak edo etxeko tresna elektrikoak erosten laguntzeko, etxeko konponketa lanak egiteko eta halakoetarako.

PENTSIODUN ASKO

Gaur egun, 220 herritar daude Arrasaten larrialdi egoeran, edo, behintzat, 220 lagun en eskaerak

onartuta dituzte Gizarte Zerbitzuetan. "Denetik dago: adibidez, pensio sistema aldaketarekin, pensiodun askok jasotzen dituzte mantenu gastuak, familiak ere badaude, pertsona bakarrak, gazteak..." kontatu du Iñigo Garitanok, Udaleko Gizarte Zerbitzuen Saileko teknikariburuak.

EDOZEINEK, UNE ORO

Izan ere, edozeinek eska ditzake laguntzok. Eta urteko edozein momentutan. Horretarako Udala

Gizarte Zerbitzura jotzea besterik ez dago. Hori bai, adibidez, orain (urrian) laguntzok eskatuz gero, urtea amaitu artekoa bakarrik jasoko luke eskatzaileak.

JAURLARITZAK ERDIA ERE EZ

Arrasateko Udalak azken urteotan izan duen joera zera izan da: beharrak dituzten herritar guztiak babestea, %100ean.

Berez, zerbitzu hori Eusko Jaurlaritzak finantzatu beharko luke, eta gero Arrasateko Udala

ri dagokio kudeaketa lanak egitea. Baina ez da horrela; eta adibidez, Arrasateko Udalak orain gastatu behar dituen 450.000 euroetatik, Eusko Jaurlaritzak 219.427 euro bakarrik bueltatuko dizkio Udalari.

DATORREN URTEAN, ZALANTZAN

Gauzak horrela, "datorren urteari begira hausnarketa egiten dabilta Udalean, "irizpide berekin segitu edo ez" erabakitzen. Hala jakinarazi du Iñigo Garitanok, Gizarte Zerbitzuen Saileko teknikariburuak.

Hau da, orain arte moduan, laguntza eskaera guztiak onartzen jarraituko duen edo ez erabaki behar dute. Hori gurako lukete, baina ez dago zalantzarik "Udalak ekarpen fuertea" egin behar duela diru aldetik eta egoera ekonomikoak hori asko zailtzen duela. Udala teknikariak gaineratu duen moduan, "Udalak ez du derrigor larrialdi egoeran dauden herritarrak %100ean lagundu behar.

DATUAK

235

MILA EURO

235.100 euro etxebizitza gastuetan laguntzeko ematen ditu Arrasateko Udalak; adibidez, etxebizitzaren alokairuak ordaintzeko, hipoteketan laguntzeko eta antzekoetarako.

164

MILA EURO

164.505 euro etxebizitzetatik eratorritako mantenu gastuetan laguntzeko izaten dira. Adibidez: komunitatea ordaintzeko, argindarra edo gas kontsumo gastuak ordaintzeko eta abar.

50

MILA EURO

50.400 euro pasa etxebizitzetarako altzariak edo etxeko tresna elektrikoak erosteko, etxeko konponketa lanak egiteko edo oinarriko beharrak ordaintzeko ematen ditu Udalak.

Eider Zubizarreta eta Saioa Uzkiario > Antolatzaileak

"Bizitza beste modu batean bizi izatea posible dela sentitzen baduzu, egiozu kasu horri"

U.M. > ARRASATE

Oraingo asteburuan, egubakoitzean (19:00etan) hasi eta domekara arte meditazio teknikak erakutsiko dituzte Uribe auzoan egingo duten ikastaro baten. Eider Zubizarretak (Arrasate, 1979) eta Saioa Uzkiario (Andoain, 1982) antolatu dute ikastaroa:

Zer da meditazioa?

Helburua da bizitza beste modu baten bizi izatea. Nork bere burua ezagutu eta norberaren esentzia bizi; gure mugak gainditu eta bakean bizi gure buruarekin eta munduarekin.

Zertan igartzen dira onurak?

Denean. Bizitza lasai hartzen bada dena aldatzen da. Adibidez, lan egin behar izatea eta ez sufritzea horregatik. Gozatzea egiten duzunaz. Ordu erdiko tartea baduzu, hori disfrutatzea gogoratu gabe lehenago zer egin duzun edo gero zer egin behar duzun.

Asteburu baten ikas daiteke?



Saioa Uzkiario eta Eider Zubizarreta. U.M.

Bai. Lau teknika dira. Guk teknikak entregatu eta horiek zelatan erabili azalduko dugu. Kontua gero praktikatzeko da. Oso-oso teknika errazak dira eta edozein momentutan praktika daiteke: lantokian, autoan gidatzen, poteoan... ez da ezer aldatu behar. Asteburu baten probatuta, dago-

eneko sentitu egiten da, benetan.

Zelako ikastaroa izango da?

Egingo dugu hitzaldi-sarrera bat (19:00), eta gero hasiko gara teknikekin. Egubakoitzean, 20:00-22:00etara eta zapatu eta domekan 10:00etatik 17:00etara.

Baldintzaren bat behar da?

Ez, edozeinek parte har dezake, lokalak 40-50 bat lagunendako lekua du eta prezioa 200 euro da.

Izena non eman behar da?

Honako telefonoetan: 943 79 12 95 edo 685 73 21 21; edo rosalina_garay@yahoo.es helbidean. Edozelan ere, egunean bertan, sarrera hitzaldia entzun ostean erabaki daiteke ikastaroa egin gura den edo ez.

Besterik gura duzue esan?

Bizitza zela bizi duzun konforme ez bazaude eta igartzen baduzu badagoela beste modu bat bizi izateko, egiozu kasu horri. Bada beste modu bat: bakean, lasai...



Bizkaia etorbidean dago igogailu publikoa.

U.M.

ZERBITZUAK > IGOGAILU PUBLIKOAK

Igogailuak badu irekiera data: urriaren 29a

Erremate lanak bukatu arte ez dute gura igogailua herritarrek erabiltzea

U.M. > ARRASATE

Hilabeteko atzerapenarekin ibili arren, azkeneko lanak egiten dabilta, eta hil honen amaieran zabalduko dute Bizkaia etorbideko igogailu publikoa. Orduantxe zabalduko dute obra bukatuta bere osotasunean.

Hirigintza Saitetik esandakoaren arabera, falta diren erremate lanak egiten dabilta. Eta, berez, igogailua erabiltzeko moduan egongo den arren, obra egiten dabilen enpresak, Oronak, ez du gura herritarrak igogailuan ibiltzea eurak lanean dabiltzan bitartean.

Bizkaia etorbideko garajeen eraikinari solairu bat gehitu eta haren eta Larragain kalearen artean oinezkoendako pasabidea eraikitzea izan da orain gauzatu dituzten obren helburua.

Poesia, ipuin, komiki eta bertso-paperen lehiaketa aurkeztu du AEDk; entregatzeko azken eguna otsailaren 4a izango da

KULTURA > LITERATURA

Biharko idazleen bila, Arrasate Lehiaketan 24. edizioa dator

JOKIN BEREZIARTUA > ARRASATE

Etorkizuneko idazle eta literaturagileen bila, AEDk Arrasate Lehiaketak ekimena abiarazi du. Erabat errotuta dauden lehiaketak dira dagoeneko eta aurten 24. edizioa biziko dute. Arrasate eta inguruko 17 urtetik beherako gaztetxoendako antolatutako ekimenak lau lehiaketa izango ditu: poesia, ipuina, komikia eta bertso-paperak.

Euskarazko obra originalak eta sekula saritu, argitaratu edo emititu gabekoak aurkeztu behar dituzte gaztetxoek eta gaia librea izango da lehiaketa guztietan. Aldi berean, parte-hartzaile bakoitzak gura beste lan aurkez ditzake eta lanok entregatzeko azken eguna otsailaren 4a da.

FINALISTAK, APIRILAREN 8AN

Idazlanak hiru kopiatan, tarte bikoitzez eta ordenagailuz idatzita entregatu behar dira. Lan guztiak lelo batez sinatuko dira eta horrekin batera gutun-azal itxi bat aurkeztu behar da, azalean lelo bera duena, ikasturte eta lehiaketa zehaztuz. Barruan, berriz, egilearen izen-abizenak, helbidea eta telefonoa jarri behar dira. Helbide honetan entregatu behar dira lanak: Pablo Uranga 6 behea, 20500, Arrasate.

Bestalde, finalistak apirilaren 8an jakinaraziko dira GOIENKARIAN eta AEDren webgunean. Eta sari banaketa ekitaldia, azkenik, apirilaren 14an egingo dute. Opariak eta dirua emango dizkiete irabazleei.

Azaroaren 12tik aurrera, antzerkia

Azarorako antzerki tailerra antolatu du AEDk, "sormena landu eta barruan daramagun aktorea kanporatzeko". Egubakoitz arratsaldean elkartuko dira Kulturateko Loramendi gelan, 18:00etatik 20:00etara. AEDko bazkideek edo Topakide txartela dutenek 30 euro ordaindu beharko dituzte eta gainontzekoek, 35 euro. Izena eman edo informazio gehiago jasotzeko 943 77 12 28 telefonora deitu edo aed@aedelkartea.com helbidera idatzi behar da. Iurgi Etxebarria antzerkigile aretxabale-tarra izango da irakaslea.

ANTZERKI TAILERRA



Aurreko antzerki tailerrean moduan, Iurgi Etxebarria izango da irakaslea.

J.B.

Jose Mari Etxabe > ARTE elkarteko presidentea

"Azkar bizi den gizarterako lasaitasuna da tailagintza"

J.B. > ARRASATE

Nafarroa etorbideko egoitza berrian "oso gustura" daudela dio Jose Mari Etxabek (Arrasate, 1949). Ikasturte berria hasi dute; ateak zabalik dituzte edonorendako. Interesatuak dei dezala 620 17 42 55 telefonora.

Nondik datorkizu tailarako duzun zaletasuna?

Santamasetako artisaу feria baten ezagutu nuen eta polita iruditu zitzaidan. Artisauekin harremanetan jarri eta hala hasi nintzen tailagintzaren munduan, duela 20 edo 21 urte.

Tailagintza ezagutzeaz bat sartu zinen ARTE elkartean?

Asko gustatu zitzaidanez, handik gutxira sartu nintzen orduan sortu berri zen ARTE

elkartean. Izan ere, aurten 26 urte bete ditu elkarteak.

Ikasturte berria hasi duzue eta jendeari egin diozue gonbita. Zein ekarpen egin diezaioke tailak hasiberri bati?

Tailagintza ezagutarazi gura dugu herrian eta horretarako jendeak izena ematea beharrezkoa da. *Slow* mugimendurekin harreman estua du. Azkar eta presarekin bizi den gizarte honetarako lasaitasuna da tailagintza, pazientziatziaz jarduteko zaletasun bikaina.

Bi printzipio garrantzitsu ditu: aipatu dudan pazientzia, batetik, eta kalitatea, bestetik. Izan ere, kantitatea baino gehiago, kalitatea da garrantzitsua tailagintzan. Tailatzen ari zarenean ezin duzu artelanaren amaiera eguna zehaz-



Jose Mari Etxabe, ARTE elkartearen egoitza berrian, lanean.

JOKIN BEREZIARTUA

tu; lan bakoitzarekin lanak behar duen denbora pasako duzu, ez gehiago eta ez gutxiago. Arin joateak ez du emaitza ona esan nahi.

Harrera planik baduzue?

Hasteko, erremintak erakutsiko dizkiegu eta gero zenbait kontzeptu erraz irakatsi: egurre-

"Slow" mugimenduaren barruan koka daite taila; arin joateak ez du emaitza ona esan nahi"

ko beta eta kontrabeta zer den azaltzea, esaterako. Egur motak bereizten ere ikasiko dute, eta ikasitakoa praktikan jartzeko kutxa bat egingo dute.

Egoitza berrian zer moduz?

Lokala oso ondo dago, oso gustura gaude. Erguingo egoitzan ordutegia oso mugatuta genuen, bizilagunengatik. Zarata askotxo ateratzen dugu eta ulertzekoa da bizilagunen ezinegona. Orain, baina, askatasun handia dugu.

'Sayonara baby', Itxungi irrati lehen saioa

Itxungi irrati librea hasi da autoekoiztutako irratsaioak emititzen FMko 107.0 dialean. Lehena joan den eguaztenean izan zen, *Sayonara baby*. Mikel Arregi eta Koldo Carrilloren gidaritzapean, musika eta literatura izango dituzte ardatz. Aurrerantzean, beraz, eguaztenero dute hitzordua entzulearekin, 21:00etatik 22:00etara. Horrez gain, Arrasateko pertsonaia ezberdinak elkarrizketatuko dituzte zuzenean; lehen irratsaioan Aritz Unamuno Des-kontrol taldeko abeslari ohia izan zuten gonbidatu.



MONDRABERRI



Iazko azoka.

GOIENKARIA

MERKATARITZA > BEDELKAR ELKARTEA

Azoka egingo du Bedelkarrek frontoian azaroaren 6an eta 7an

Denboraldiko produktuak salduko dituzte, baina beherapenekin; 21 dendak hartuko dute parte

MONIKA BELASTEGI > BERGARA

Bedelkar dendarien elkarteak III. azoka egingo du Udal Pilotalekuan.

Azaroaren 6an, zapatua, eta 7an, domeka, egingo dute azoka: zapatuko ordutegia izango da 10:00etatik 20:00etara eta domekako, berriz, 11:00etatik 14:00etara.

DENBORALDIKO PRODUKTUAK

Azokan parte hartuko dute elkarteko 21 dendak: ume zein nagusien arropa-dendak, zapata-dendak, lurrindegia... Guztiak egongo dira pilotalekuko kantuan egokituko dituzten erakusmahaietan.

Aipatzekoa da denboraldiko generoa izango dutela salgai eta, gainera, deskontuak egingo dituztela.

Bestalde, azokaren giroa alaitzeko musika ere egongo da: zapatu goizean Musika Eskolako Txaranga Gaztea ibiliko da; zapatu arratsaldean, trikitalariak; eta domeka goizean, txistulariak. Horrez guztiaz gain, umeendako puzgarriak ere jarri-

ko dituzte azokak iraun bitartean Udal Pilotalekuaren sarreran.

%5EKO DESKONTUAK

Bestelako ekimenak ere egingo ditu dendari eta ostalarien elkarteak azaroan barrena. Hain justu ere, %5eko deskontuak egingo dituzte, erosketak Bedelkar txartelarekin ordainduz gero -elkarteko dendetan eskura daiteke-. Deskontu hori hil osoan egingo dute, aste osoan barrena.

Bestalde, bezeroen artean banatzeko 5.000 poltsa atera dituzte. Oihalezko poltsak dira eta helburua da plastikozko poltsen erabilera txikitzea, Bedelkar elkarteko ordezkariak esan dutenez.



OIHANA ELORTZA

Grafiti berriak Labegaraietako kiroldegian

Aurreko zapatuan grafitiak margotzen jardun zuen lagun talde batek Labegaraietan; kiroldegiko paretan, hain justu ere.

Goizean oinarri urdina eman zioten paretari gazteek, eta arratsaldean ekin zioten irudiak egiteari. Eta askotariko irudi eta kolorez jantzi dute kiroldegiko paretan. Eskailera gainera igota, espraiarekin, arrabolarekin... hainbat irudi fantastiko margotu dituzte, besteak beste. Irudian ikusten denez, ez zuten lan makala egin gazteok kiroldegiko paretan.

JENDARTEA > ELKARTEAK

Gorrekin komunikazioa hobetzeko ikastaroa abian

Keinuen hizkuntza lantzen hasteko ikastaroa deitu du Aransgik eta izenematea zabalik dago

M.B. > BERGARA

Aransgik, Gipuzkoako pertsona gorren familien elkarteak, gorrekin komunikazioa hobetu nahi dutenendako keinuen hizkuntza lantzen hasteko ikastaroak antolatu ditu, Udaleko Ongizate Sailaren laguntzarekin.

Ikastaroak Aransgin izango dira. Urtarrilean hasiko dira eta 30 orduko iraupena izango dute. Lehen mailako eskolak eguaztenetan izango dira, 19:00etatik 21:00etara. Bestalde, sakontze mailak ere badaude.

Izenematea dagoeneko zabalik dago eta 85 euro kostatzen da. Izena emateko edo informazio gehiagorako, jo lehenbailehen Aransgiren egoitzara edo

943 76 27 03 telefonora zebakira deitu.

1967A EZKERO LANEAN

Aransgi 1967an sortu zen, haur gorren familia talde baten ekimenez, euren seme-alaben beharrei arreta egokiaren bidez erantzuteko asmoz. Ordutik hona, Aransgin Gipuzkoako gor guztien bizi kalitatea hobetu eta gorrieriak pertsonaren eguneroko bizitzan eragiten dituen oztopoak arintzeko lanean jarraitzen du.

Horretarako, entzumen zailtasunak dituzten pertsonen alderdi mediko eta psikologikoez eta hezkuntza, lan, gizarte eta familia alorrez ere arduratzen dira.



Aransgiko umeak ipuina irakurtzen.

ARTXIBOA

oharrak

KINTADA

> **1943an jaiotakoek (55eko kintok) bazkaria egingo dute**

Azaroaren 20an egingo dute, Erreki erretegiaren. 14:00etan txikiteoa eta talde argazkia egingo dituzte eta 14:45ean izango da bazkaria. Izenematea Errekin da, 12 euro aurreratuta.

KINTADA

> **1940an jaiotakoek bazkaria egingo dute azaroaren 6an**

Torrekuan egingo dute, 14:30ean. 13:30ean meza egongo da Sierbetako elizan. Izena emateko deitu 943 76 35 76 edo 943 76 30 26 telefono zenbakira.

KINTADA

> **Realzaleek autobusa erreserbatuko dute aurrerantzean**

Coruñaiko Deportivo taldearen aurkako partidutik aurrera (urriak 25) erreserbatuko dute, Anoetan jokatu diren partiduetara joateko. Txartelen kolorea zuria izango da partidu guztietarako eta Deportivo tabernan hartuko dira. Horretarako, Realeko karneta

eta zaleen taldekoa aurkeztu behar dira. Prezioa 2 euro da.

KINTADA

> **1947an jaiotakoek afaria egingo dute azaroaren 6an**

Tartufo jatetxean egingo dute, 21:00etan. Izena emateko 60 euro sartu behar dira Euskadiko Kutxako 009.1.09901.9 zenbakian azaroaren 2a aurretik. Autobusa egongo da eta 20:30ean abiatuko da, Santa Marina ostetik.

KINTADA

> **1968an jaiotakoek afaria egingo dute urriaren 30ean**

19:30erako egin dute hitzordua, Deportivo tabernan. Afaria 22:00etan izango da, Azpeitxi jatetxean.

OSPAKIZUNA

> **Elkororen askatasuna ospatuko bazkarirako txartelak salgai**

Hilaren 31n izango da bazkaria eta txartelak eskura daitezke Eusebion, Kortazarren, Deportivo, Ariznoa eta Arranon, 20 eurotan.

EUSKARA > ELKARTEAK

Familiendako orientazio zerbitzuak segitu egingo du

Etxadi elkarteak emango du zerbitzua, hirugarren urtez; eta edonorendako da

laz herritarrek egindako 125 kontsulta jaso zituzten

MONIKA BELASTEGI > BERGARA
Hirugarren urtez, Udalak familiendako orientazio-zerbitzua eskainiko du. Etxadi elkarteak emango du zerbitzua eta edonork jo ahal izango du orientazio zerbitzura informazio eta orientazio eske.

Seme-alaben heziketarako aholkularitza zerbitzua da, eta, orientazio zerbitzua eskaintzeaz gain, prestakuntza eta prebentzio gaiak ere ikertzen ditu, besteak beste.

HARRERA ONA
Udaletik aurreratu dutenez, harrera ona du zerbitzu horrek eta adibide moduan datu bat eman dute: 2009an herritarrek egindako 125 kontsulta jaso zituz-

ten Etxadin. Udaletik gehitu dute Etxadik zerbitzua eskaintzen duen biztanle gehiagoko herrietan baino kontsulta gehiago jaso dituztela Bergaratik.

Kontsultak egiteko www.bergara.net webgunera jo behar da

eta *Familiendako orientazio psikologikorako zerbitzua* izeneko loturan klikatu. Han dagoen formularioa bete eta Etxadikoek erantzun egingo dute.

HITZALDI SORTA

Horrekin batera, hiru hitzaldiko sorta ere antolatu du Udaleko Ongizate Zerbitzuak gai beraren bueltan. Lehen azaoroaren 3an izango da, 18:00etan, osoko bilkuren aretoan, eta landuko duten gaia *Gurasoen autoritatea, seme-alaben garapenean oinarri*.

Bigarrena otsailaren 2an izango da eta *Nola erabili teknologia berriak familian* izango dute hizpide; hirugarrena maiatzaren 4an izango da, eta gaia: *Nerabezaroa, familia eta drogak*.

DATUA

125

KONTSULTA

2009an herritarrek 125 kontsulta egin zizkieten Etxadiko adituei. Udaletik aurreratu dutenez, herri handiagoetan baino kontsulta kopuru handiagoa.

TEKNOLOGIA BERRIAK

Beste 13 ikastaro azaroan KZgunean

Izenematea zabalik dago eta, ohi bezala, ikastaro guztiak doan izango dira

M.B. > BERGARA

KZguneak aditzera eman ditu azaroko ikastaroak eta izenematea zabalik dago.

Guztira, 13 ikastaro izango dira; hemen lehenengo hamabostaldikoak: *Internet+e-Administrazioa*, azaroaren 2tik 12ra, astelehenetik egubakoitzera, 11:00etatik 13:00etara eta 16:00etatik 18:00etara; *Zuhaitz genealogikoa*, azaroaren 3an, 09:00etatik 11:00etara; *Ikus-entzunezkoak*, azaroaren 4an, 18:00etatik 20:00etara; *Twitter*, azaroaren 9an, 18:00etatik 20:00etara; *Lana eta familia bateragarri egin*, azaroaren 11n, 09:00etatik 11:00etara; *Youtube*, azaroaren 12an, 09:00etatik 11:00etara; eta *Iru-di digitalaren tratamendua*, azaroaren 15etik 16ra, astelehenetik martitzena, 16:00etatik 18:00etara.

Ikastarootarako izenematea astelehenetik egubakoitzera da, 09:00etatik 13:00etara eta 16:00etatik 20:00etara egotzian eta tutor.bergara@kzgunea.net helbidean.

JENDARTEA > GAZTEAK

Datorren zapatuan berriro ere dantzara

Denboraldi berriko lehenengo DJ jaialdian ez zuten hutsik egin gaztetxoek; bigarrena, zapatuan izango da, ohi bezala Zabalotegi aretoan

M.B. > BERGARA

Ehun nerabe inguru batu ziren aurreko zapatuan Zabalotegin egindako DJ jaialdian. Denboraldi berriko lehenengo jaialdian zen eta gaztetxoek 12 eta 14 urte artekoendako da- gustura hartu zuten. Askok dantza egin bazuten ere, beste batzuek nahiago izan zuten musika entzuten lasai egon eta lagunekin berriketan egin, alkoholik gabeko diskoteka baten egongo balira bezala.



Gustura egin zuten dantza aurreko zapatuan nerabeek Zabalotegiko jaialdian.

JOSETXO ARANTZABAL

Bada, horretarako guztirako beste aukera bat izango dute interesa duten nerabeek datorren zapatuan, hilaren 30ean, 18:30etatik 21:30era bitartean, bigarren

DJ jaialdia orduan egongo da-eta. Udaleko Gazteria Zerbitzuak antolatu du DJ jaialdi sorta hori eta urte bukaerara arte hilean birritan egongo da. Urte bukae-

rara arteko saioak azaroaren 13an eta 27an eta abenduaren 11n izango dira. Datorren urtean ere jarraituko du ekimenak, egunak zehazteke dauden arren.

> AISIALDIA

Agorrosingo ludotekan izena emateko epea zabalik dago

Zerbitzua 5 eta 12 urte arteko gaztetxoendako da eta bi hezitzaileen ardurapean egongo dira.

Zerbitzua dagoeneko martxan dago, Agorrosin Ekintza Guneko bigarren solairuan, astelehenetik egubakoitzera 17:00etatik 20:00etara. Urteko kuotari dagokionez, berriz, 45 euro ordaindu behar da.



Finantzaketa kuota pertsonalizatuak



SIMS
SERVIMASA

Sukaldeko altzariak eta osagarriak

Aitziturri 4, Posta-kutxa 173
Tel.: 943 76 19 95 Faxe: 943 76 07 49
20570 BERGARA

103 Industria poligonoa
Tel.: 943 52 05 00 Faxe: 943 51 57 57
20100 LEZO

JENDARTEA > OSPAKIZUNAK

Primi Erostarbe zena omenduko dute zapatuko trikiti jaialdian

Lizargarateko trikitizale elkarteak antolatatu du jaialdia bigarren urtez jarraian; zapatuan izango da, 18:30ean, Santa Ana antzokian

ARANTZAZU EZKIBEL > OÑATI

Trikitia, panderoa eta irrintziak izango dira protagonista zapatuan Santa Anan. Herriko trikitizaleek jaialdia egingo dute, bigarren urtez jarraian. Zapatuan izango da, 18:30ean, eta dagoeneko sarrerak salgai daude 10 euroren truke kultura etxean eta Urbia eta Umerez tabernetan. Egunean bertan ere salduko dituzte sarrerak.

PRIMI EROSTARBERI OMENALDIA

Protagonistak, baina, ez dira trikitia, panderoa eta irrintziak bakarrik izango; jaialdiko protagonista nagusia Primi Erostarbe izango da (1907-1995). Araozko Zumalde baserrian jaio zen Erostarbe; handik Elgetara joan zen

bizi izatera eta gero Donostiara. Euskal Herriko emakume pandero-jotzaile eta irrintzilari ezagunenarikoa izan da.



Jaialdiko kartela.

GOIENKARIA

PARTE HARTUKO DUTEN TALDEAK

Jaialdian parte hartuko dute: Oñatiko Musika Eskolak, Ospas eta Janirek, Izer aita-emeek eta Alabier, Landa aita-emeek, Joseba Tapia eta Eztanga anai-arrebak, Lajatarrek eta Oriatarrek.

Ekitaldiaren amaieran izango da omenaldia: ikus-entzunezko bat jarriko dute, eta araoztar batek Erostarberen bizitza kontatuko du. Gainera, trikiti elkarteek panderoarekin lagunduta koplak kantatuko dituzte.

Jaialdiaren ondoren, afaria egingo dute Etxeberria jatetxean. Afarira joan gura dutenak txartelak erosi beharko dituzte Urbia eta Umerez tabernetan 25 euroren truke. Dagoeneko salgai daude txartelak.

ONGIZATEA > NAGUSIAK

Su detektagailuen gaineko informazioa ematen hasiko dira gaur etxerik etxe

A Tiempo izeneko enpresako langileak joango dira 80 urtetik gorako nagusiak bizi diren etxetara informazioa ematera

A.E. > OÑATI

Gaurtik aurrera, A Tiempo izeneko enpresako langileak su detektagailuen gaineko informazioa banatzen hasiko dira. Oñatiko Udalaren identifika-

zio txartelarekin joango dira 80 urtetik gorako enxeetara langileak.

ESKAERA ORRIA BETEKO DUTE

Informazioa jaso ondoren, aparailua jarri gura duenak enpresak berak emandako papera bete beharko du etxean bertan. Hainbat datu bete beharko dituzte, eta baita etxearen berezitasunak jaso ere.

Azkeneko pausoa detektagailua jartzea izango da. Eskatzailearendako ez du inolako kosturik izango su detektagailua jartzea etxean.

> KULTURA

Udalak antolatutako eskulan ikastaroetan matrikula egiteko epea urriaren 30era arte da

Izenemate epea amaituta eta zerrendak irtenda, matrikula egiteko epea dute orain eskulan ikastaroetan parte hartu behar dutenek. Horretarako, urriaren 30era arteko epea izango dute. Ikastaroetan 218 lagunek eman dute izena; baina 194 lagunendako tokia bakarrik dago. Zozketa bidez aukeratu dituzte parte hartuko dutenak. Aukeratuak bakarrik egin behar dute matrikula.

> GAZTEAK

Mahai-futbol txapelketa tailerrean ikasitakoa erakusteko

Gaztelekuko txapelketa beterranoenak edizio berria beteko du egubakoitzean 18:30ean: 15. mahai-futbol txapelketa jokatu dute. Miguel Martin irakaslearekin ikasitako trikimailuak erakusteko aukera izango dute gaztetxoek. Parte hartu gura dutenek eguna baino lehen eman beharko dute izena gaztelekuan.

> TXAPELKETA

Zapatuan xake jokalarionen arteko lehiak gaztelekuan

XVI. xake txapelketan izena eman gura duenak urriaren 28ra arte izango du aukera, 10:00etatik 13:00etara eta 16:00etatik 20:00etara. Izenematea doan izango da oñatiarrendako; gainontzekoek 4 euro ordaindu beharko dute. Txapelketa suitzar erara jokatu da, sei itzulira eta jokalaririk bakoitzak 15 minutu izango ditu bandera jaitsi arte.



A.E.

ZER DIO TXATXILIPURDIK?

ZER DIO ITZIAR LAMARINEK?

Ugarkaldeko haur parkea eta lorategia zabalik daude

Ugarkalde auzo berriko urbanizazio lanak martxa onean doaz; dagoeneko zabaldu dute haur parkea eta lorategia. Sukia eraikuntza enpresa arduratu da lan horiek egiteaz, baina haur parkearen eta lorategiaren gestioa eta mantetze-lanak Udalak hartuko ditu bere gain. Bestalde, abuztuan zabaldu zuten Ugarkaldeko azken etxetik (seigarren zenbakidun etxea eta Artzubi baserri artetik) errepide nagusira irteteko bidea; hortik, baina, Olakua aldera bakarrik har daiteke. Urbanizazio lanak amaitzeko falta dena da azken bi eraikinak bukatzea.

AISIALDIA > HAURRAK

Gaztelekuko sotoa zabalik dago aste bukaera eta jaietan

Haurrek gurasoen zaintzapean egon behar dute

A.E. > OÑATI

Herriko jaien ostean berriro ere zabaldu dute gaztelekuko sotoa herriko umeendako. Aste bukaeretan eta jaiegunetan egongo da zabalik, 10:30etik 13:00etara eta

17:00etatik 20:00etara. Sotoa erabili ahal dute 7 urte arteko umeek. Gaztelekuko arduradunek adierazi dute sotoan ez dagoela begirale zerbitzurik; horregatik, haurrek gurasoekin edo zainda-

riekin egon behar dute sotoan dauden une oro.

EGURALDIAK BALDINTZATZEN DU

Eguraldi txarra egiten duenean egoteko leku itxi bat izatea da sotoaren helburua. Arduradunek adierazi dute asko erabiltzen dela sotoa, batez ere eguraldia txarra dagoenean.

Haurrek jolas egiteko jostailuak dituzte sotoan, eta nagusiendako, osterara, kafe-makina dago. Mahaiak eta aulkiak ere badaude.

ARETXABALETA > ELKARTASUNA

Egubakoitzean da udazkeneko azken odol ateratze saioa

Urrian egin dituzten bi saioetan 96 lagunek eman dute odola; gazteak animatu gura dituzte odol emaile izatera

MIRARI ALTUBE > ARETXABALETA

Udazkeneko odol ateratze saioak egiten dabilta asteotan Arabako odol bankuko kideak, eta azken saioa egubakoitzean, hilak 29, egingo dute. Osasun etxean izango dira erizainak (16:15-20:00) odol emaileen zain.

100 LAGUN ODOLA EMATEKO GERTU
Dagoeneko bi odol ateratze saio egin dituzte urrian gurean, eta guztira 100 lagun izan dira odola emateko gertu agertutakoak; hala ere, batzuei ez emateko gomendatu diete eta 96k eman dute. Odol emaileen elkarteko ordezkari Ramon Eraña pozik azaldu da kopuru horrekin:



Joan den astelehenean egindako saioan bi lagun odola ematen. RAMON ERAÑA

"Azken hiru urteotan eman barik egon direnak berriro hasi dira etortzen, eta oso garrantzitsua da hori".

Udaberriean egindako saioetan 137 lagunek eman zuen odola. Orduan pozik azaldu ziren aretxabaletarrek emandako erantzunarekin, baina oraingoran hori gaingaitu egingo dutelakoan daude. Bide batez, gazte-

ak animatu gura dituzte odol emaile izatera.

ODOL EMAILEEN LOTERIA

Bestalde, odol emaileen elkarteak loteria atera du, urtero legez, hiru euroren truke; hona zenbakia: 18.753. Loteria hori erosi gura dutenak Ramon Erañarekin egon daitezela -telefono zenbakia: 943 71 25 26.

ESKORIATZA > KULTURA

Surfin Kaos taldea azaroan, Aitzorrotz elkartearen eskutik

Hilaren 13an izango da; horrez gain, ikus-entzunezkoa eta ardo dastatzea antolatu ditu

M.A. > ESKORIATZA

Aitzorrotz kultura elkarteak gertu dauka azaroko egitaraua: ikus-entzunezkoa, kontzertua eta ardo dastatzea.

DISKO BERRIAREN AURKEZPENA

Azaroaren 11n, eguena, *Gasherbrum II* ikus-entzunezkoa eskainiko du kultura etxean (19:00). Arrasateko talde batek egindako espedizioaren nondik norakoak ezagutzeko aukera eskainiko die eskoriatzarrei.

Azaroaren 13an, zapatua, Surfin Kaos taldea *Goizalde surrealistak* diskoa aurkeztera etorriko

da Inkernu tabernara (22:30). Aurten kaleratu du azken diskoa eta freskotasun eta heldutasun handiko lana aurkeztuko du, surf eta hard rock ukituekin. Eta azaroaren 27an, zapatua, ardo dastatze ekitaldia egingo dute Herriko Plazan (18:30).

AITZOROCK JAIALDIKO SARRERAK

Jaialdia -Gatibu, Zea Mays, Amaiur eta Pastors of Muppets- egingo du abenduaren 11n Aitzorrotz kultura elkarteak, eta sarrerak dagoeneko salgai dituzte. Hona Debagoieneko salmentaguneak: Eskoriatzan, Aldatz, Inkernu eta Goxo Txiki; Aretxabaletan, Txiki Bar eta Orly; Arrasaten, Irati eta Ekaitz; Bergaran, Herriko taberna; eta Oñatin, Aker. Gainera, Internet bidez ere eros daitezke. Aurrez erosiz gero 13 euro da sarrera, eta egunean, 16 euro.

oharrak

ARETXABALETA

> **Ezohiko osoko bilkura gaur**

Hiltegiaren gaineko erabakia hartzeko osoko bilkura egingo du udalbatzak gaur (18:00).

ERRETIRATUAK

> **Perretxikoengaineko berbaldia bihar, Basotxon**

Bergarako Jose Mari Larrañaga aditua izango da perretxikoengaineko gaineko berba egiten Basotxon bihar (17:30).

ZINEMA

> **'80 egunean' filma egunean eta 'Centurión' aste bukaeran**

Zineklubaren barruan, *80 egunean* euskal filma emango dute egunean (19:30); 4 euro.

Hilaren 29an eta 30ean (22:00) eta 31n (19:30) *Centurión* filma izango da. Umeek *Toy Story 3* izango dute domekan (17:00).

DEIA

> **'Malko gorriak' DVDa salgai**

Espainiako gerra Aretxabaletan zelan bizi izan zen jasotzen duen *Malko gorriak* DVDa salgai daukate Arkupe kultura etxean -12 euro.

ESKORIATZA

> **Ipuin kontaketa umeendako egunean**

Giza balioak lantzeko ipuin kontaketa saioa egingo du Lur Korta kontalariak egunean, hilak 28, bibliotekan (18:00).

AISIALDIA

> **Eskulanak egingo dituzte Tortolis ludotekan**

Eskulan saioa izango dute 7 eta 12 urte artekoek ludotekan egubakoitzean, hilak 29, (18:00).



TXATXILIPURDI

Gaztelekuko gazteenak pozik lehenengo jardueretan

Urrian hasi du ikasturtea Atxagazte gaztelekuak eta jarduera asko dabilta egiten. DBHko lehenengo mailakoekin, hau da, lehenengoz bertara hurreratutakoekin irteera egin dute gaztelekuaren berri emateko. Elosuko aterpetxean egon dira, eta, askorik ez izan arren, elkartutakoek ezin hobeto pasatu dute.

Aste bukaeran, monozikloan ibiltzen ikasi eta surfean jardun dute Zarautzen. Eta datorren aste bukaeran, film labur tailerra egingo dute: filma grabatu eta gero blogean jarri, aurretik egindako moduan.

IRIARTE

Umeen
denda

Helduen
lentzeria




Durana 8

Tel.: 943 79 10 96

ARETXABALETA

30. Eguzkigraf.
Koop. Elk.
1979-2009
urteurrena

Aretxabaletako Industrialdea F-0-4,
Araba ibilbidea
20550 Aretxabaleta
Tfnoa: 943 791 844 - Faxa: 943 792 941
E-mail: info@eguzkigraf.com



EGUZKIGRAF
inprimategia

jai egitarauak
kartelak
gonbidapenak
tarjetak
aldizkariak
inpresoak
errekordatorioak
liburuxkak

Bittor Rodriguez > Ilatargi elkarteko kidea

"Astrologia oso interesgarria da; zeruko lengoaia ezagutzeak zirrara handia sortzen du"

LARRAITZ ZEBERIO > ELGETA

Sei bat lagun astronomiari buruzko ikastaroa egiten ari dira egunotan Elgetan. Kutxaren gizarte ekintzak UNED-Bergararekin elkarlanean eskaintako ikastaroa da. Manu Arregirekin batera Bittor Rodriguez irakasle lanak egiten ari da. Astronomiak zenbateraino engantxatzen duen kontatu digu.

Zer landuko duzue astronomiako ikastaro honetan?


Zerua miatzeko hainbat argibide emango ditugu, konstelazioak desberdintzen ikasiko dugu, eta posizio astronomikoa topatzen... Gainera, esplorazio espazialaren lorpenak ikusiko ditugu eta bizitza estralurtarraren gainean egin diren azken aurkikuntzen berri emango dugu.

Bizitza estralurtarra diozu. Badago, ala?

Ez dakigu oraindik, baina jendeak ezer gutxi daki egiten ari diren aurkikuntzen gainean. Estatuan biologia estralurtarra ikertzeko zentro bat dago eta bertan 200 ikerlari ari dira lanean. Aurkikuntza interesgarriak egin dituzte. Esaterako, gure eguzki sistematik kanpo bizitzarekin bateragarriak diren ezaugarriak dituzten planeta berriak aurkitu dituzte. Zientifikoki, beraz, bizitza estralurtarra posiblea da.

Eta esplorazio espazialari dagokionez, gizakia Ilargian izan da?

Bai, zalantzarik gabe. Logikak ematen dituen argudio asko dauzkagu eta, gainera, erraz ikus daitezke. Ilargitik harri mordoa ekarri zituzten eta Gasteizen harri horietako bat ikusteko aukera izan genuen. Ilargian,



Bittor Rodriguez, eguean, Elgetako kultura etxean.

L.Z.

Eguean, eguraldiak oztopatzen ez badu, behaketa astrologikoa egingo dute Aseztion

bestalde, ispilu bat dago gaur egun distantzia neurtzeko erabiltzen duguna. Izpi bat bidaltzen dugu Lurretik eta ispilu horrek bueltan bidaltzen du. Urtero neurtzen dugu Ilargia zein distantziara dagoen. Azkenik, espazio-zunda batek Ilargian utzitako aztarnak daude. Lurretik erraz ikus daitezke.

Zertarako balio du astrologiak?

Arrazoi praktiko asko daude. Esaterako, edonon zaudela iparra eta hegoa kokatzeko, oskarbi dagoen gau baten zerura begiratu eta zer ikusten ari zaren ulertzeko. Maila zientifikoagoan, berriz, Eguzkia izar bat gehiago dela eta bost milioi urte barru itzali egingo dela jakiteko.

Planetarioak gomendatzen dituzu?

Bai; oro har, zientzia museo guztiak gomendatzen ditut. Arazo zientifiko baten dimentsioa ulertzeak edo zeruko lengoaiaren esanahiaz jabetzeak zirrara handia sortzen du. Eta astrologiak engantxatu egiten du.

LEINTZ GATZAGA > TURISMOA

Kalitatearen alde lanean jarraituko dute Gaztainuzketako mendi etxeen arduradunek

Pozik azaldu dira Mankomunitatearen diplomarekin eta turismoak gurean laguntza handiagoak behar dituela diote

MIRARI ALTUBE > LEINTZ GATZAGA

Konpromisoa kalitate turistikoa- rekin diploma jaso zuten Gaztainuzketako mendi etxeen ardura-

dunek, beste batzuekin batera, hilaren 13an, Mankomunitatearen eskutik. Kalitate turistikoa- rekin hartutako konpromisoa saritzea du helburu diploma horrek, eta mendi etxeen ardura duen Amaia Olabe pozik dago errekonozimenduari: "Lanean jardun dugu horretarako eta lanean jarraituko dugu. Izan ere, beti dago hobetzeko".

Egun batzuetan oporretan izan dira, baina asteon berriro zabalduko dituzte Gaztainuzketako jatetxe eta etxeen ateak.

KATALUNIARREN BISITA

Orain dela bi urte hartu zuen Udalarenak diren mendi etxeen ardura eta beti gura izan arren egoera hobea izatea, pozik dago bi urteotako lanarekin: "Ez zaigu tokatu sasoirik onena, baina aurrera egiten gabiltza. Etxeetan jendea dabil, langileak batzuetan eta bisitariak hurrengoan, batez ere kataluniarrak", dio Olabek.

Onartu du turismoak ez dela bizi momenturik onena eta hori bultzatzeko laguntzak behar direla, "batez ere barrualdean".

ANTZUOLA > KULTURA

Musika eta imitazioak Goio Arrietaren eskutik

Aretxabaletarrak Andres Calamaro eta Alex Sarduiren imitazioak egingo ditu

ARANTZAZU EZKIBEL > ANTZUOLA

Goio Arrieta aretxabaletarrak Harri irratixetikuskizuna eskainiko du Torresoroan datorren egubakoitzean, azaroaren 5ean.

Musikazalea da Arrieta, eta, hain zuzen, musikan oinarritutako ikuskizuna eskainiko du. Bakarriketa saioa izango da, musikari eta pertsonaia ezagunen imitazioekin. Besteak beste, Andres Calamaro eta Alex Sarduiren imitazioak egingo ditu Arrietak. Pertsonaien istorioak kontatu eta kantatu egingo ditu. Pertsonaia batetik bestera pasatzeko, Arrietak atrezzo aldutzen duen bitartean, bideoklipak jarriko dituzte aretoan. 22:00etan izango da ikuskizuna.

ARGAZKI ERAKUSKETA

Bestalde, Antzuolarrak munduan zehar programaren barruan, hilaren 28an, Sergio Morenok Brasilera egindako bidaia azalduko du. Goizperko lankidea da Moreno; hala, Mundukidek gonbidatuta bidaiatu zuen Brasilera. Olanaren izango da emanaldia, 18:30ean.

MENDI IRTEERA GORBEIARA

Mendi irteeran interesatuek izena eman beharko dute aurrez. Horretarako, Arrolak Olanaren duen bulegora (3. bilera gela) joan beharko dute hilaren 27an 19:00etatik 20:30era. Bestalde, telefonoz ere eman daiteke izena; horretarako, Arrola elkarteko presidenteari deitu behar zaio -Iker Manso- 635 205 841 zenbakira hilaren 27a baino lehen.

Mendi irteera izango da urriaren 31n, domeka. Egun osoko irteera izango da Gorbeira. Edonork egiteko modukoa dela adierazi dute.

ARAMAIO > KULTURA

Sendabelarren ikastaroan bederatzi lagun ari dira

Txirritola euskara elkarteak antolatu du ikastaroa; Zeanuriko aditu Gabriel Vazquezen eskutik hiru saio izango dira

E.M. > ARAMAIO

Bederatzi lagun ari dira Txirritola euskara elkarteak antolatutako sendabelarren ikastaroan. Emakumeak dira nagusi, gizonetako bakarra ari da-eta. Gabriel Vazquez zeanuriztarra da irakaslea. Hainbat liburu argitara eman ditu Vazquezek, tartean *La magia de las hierbas* eta *Plantas medicinales en el País Vasco*. Sendabelarrak ezagutu, infusioak gertatzen ikasi eta sendabelar ezberdinen ezaugarriak bereiztea da ikastaroaren helburua. Lau orduko hiru saio dira aurreikusitakoak eta

zapatuan egin zuten bigarrena; eguraldi ona aprobetxatuta irteera egin zuten ikasleek.

HERRI BAZKARIA ZAPATUAN

Zapatuan, urriaren 30ean, Erretiratuen Eguna ospatzeko herri bazkaria izango da kiroldegian. Txartelak 8 eurotan salgai daude. Auzo-alkateengana jo edo bestela Vital Kutxan, Euskadiko Kutxan edo udal- etxean eman dezakete izena interesatuek. Bazkalostean, Aramaioko nagusienei omenaldia egingo zaie eta sarien zozketa izango da.



Ikastaroko bigarren saioa egin zuten zapatuan.

JOSETXO ARANTZABAL

Kirola



> **FUTBOLA**
Hernaniko bitaren aurrean, 0-1 galdu zuen Bergarak > 24



> **SASKIBALOIA**
Sustrai Aloñak 73-70 irabazi zuen etxean jokaturako partiduan > 25



> **KOLDO LAMIKIZ**
Beterano mailako Koldo Lamikiz ziklistari elkarrizketa > 27

Bolo-jokoan markinarra izan zen garaile

18 TALDE Elgeta, Eibar, Azpeitia, Plazentzia, Markina, Elgoibar eta Debako taldeak izan ziren

GIRO APARTA Adin guztietako jende ugari bildu zuen bola-jokoak Elgetan, zapatuko txapelketan

AMAIA TXINTXURRETA > ELGETA

Elgetako bolatokian jokatu zen Euskadiko hiru-txirlo bolo txapelketako bigarren jardunaldia, zapatuan. Elgetako taldeaz gain, Eibarko Asola Berri, Azpeitiko Floreaga, Markinako Iruzubieta, Plazentziako San Andres, Elgoibarko San Migel eta Debako Lastur taldeetako kideak ere izan ziren lehian. Eta talde bakoitza beste 2-3 taldez osatuta zegoen. Guztira, 18 talde lehian aritu ziren Elgetako bolatokian.

Pertsona bakoitzak hiru txanda zituen jokatzeko eta irabazlea Markinako Iruzubieta taldeko Antolin Arizmendiarrak izan zen. Arizmendiarrak zazpi txirlo bota zituen guztira, eta horregatik lortu zuen garaipena. Hala ere, Elgoibarko San Migel taldeko Jabier Osoro ez zen urruti ibili, eta bigarren postuan gelditu zen sei txirlo bota ostean. Hirugarren berriz, Asola Berriko Beñat Gomez eibartarra gelditu zen lau txirlo botata.

Hiru irabazleek txapelketako zerrendaren gain-gainean egoteko puntu garrantzitsuak jaso dituzte, baina horrez gain, sari propioak ere izan dituzte: Arizmendiarrak 65 euro, Osorok 50 euro eta Gomezek 35 euro.

BIGAREN JARDUNALDIA

Euskadiko hiru-txirlo txapelketak lau jardunaldi izango ditu, eta horietako bigarrena izan zen Elgetakoa. Joan den asteburuan, estreinatuta zuten txapelketa, Goi-

ttan (Mallabia), eta hurrengoak azaroan jokatu dituzte; hirugarren jardunaldia Markinan eta finala azaroaren 13an izango da Azkoitian.

Beraz, momentuz eta Elgetan jokaturako txapelketa Iruzubieta taldeko Arizmendiarrak irabazi arren, gauzak alda daitezke falta diren beste bi jardunaldietan.

73 LEHIAKIDE

Antolatzaile lanetan diharduen Sebastian Arantzabalek esan zuen, Elgetan jokaturako txapelketako bigarren jardunaldi horretan, aipaturako zazpi herrietako 73 lehiakide bildu zirela. Mallabian jokaturako lehenengo jardunaldian, berriz, 68 bolari izan ziren. Bolo-jokoan jokatzeko zein helduak ikusi ziren Elgetako bolatokian, baina gehienak gizonak izan ziren.

Hala ere, emakume batzuk ere animatu ziren bola hartu eta txirloak botatzera. Tartean, Elgetako Geaxi Ezpeleta emakumeak hartu zuen parte bola-jokoan eta horrelako txapelketa baten parte hartzen zuen lehenengo aldia izan bazen ere, gustura aritu zen jokoan.

GIRO EZINHOBEA

Euskadiko hiru-txirlo bolo txapelketa jokatzeko den hogeitabatgarren aldia da aurtengoa eta Elgetako bolatokia jendez lepo bete zen. Alde batetik, jokalariai zeuden. Eta bestetik, ikustera edo kuxkuxeatzera joandakoak.



Elgetako bolatokian, Euskadiko hiru-txirlo bolo txapelketako bigarren jardunaldian.

JOSETXO ARANTZABAL

Luzio Sarasketa > Bola-joko zalea

"Txikitatik ibili zan naiz bola-jokoan eta nire afizioa da"

A.T. > ELGETA

Luzio Sarasketa elgetarrak ia 75 urte daramatza bolatokietan jolasten eta dagoeneko 50 bolatoki baino gehiago zapaldu ditu. Sari batzuk ere irabazi ditu Sarasketak.

Non hasi zinen bola-jokoan jolasten?

Ni Elgetako Arantzeta auzokoa naiz eta txikia nintzela bi bolatoki

genuezkian auzoan. Zortzi urterekin hasi nintzen bola-jokoan eta Txorrobua bolatokian ikasi nuen bolotan.

Beraz, hau ez da txapelketa baten parte hartzen duzun lehenengo aldia izango?

Ez horixe. Horrelako askotan ibilitakoa naiz, sari batzuk ere irabazi ditut gainera. Elgetan hiru

urtetan bi aldiz lehenengo saria jaso nuen eta beste behin bigarrena.

Eta oraindik ere pozik zabilzala dirudi.

Bai, afiziotzat hartzen dut bola-jokoa eta betidanik gustatu izan zait. Osasunak laguntzen didan bitartean behintzat ez dut hutsik egingo Elgetan izaten diren horrelako txapelketetan.



J.A.

ATLETISMOA > TAFYD KROSA

Sergio Garcia eta Aitziber Urkiola azkarrenak Arrasaten

74 korrikalarik hartu zuten parte barikuan II. Gaueko Tafyd krosean

Giroa eta ikusleen animuak azpimarratu zituzten korrikalariak

MONIKA BELASTEGI > BERGARA

"Gustatu zait lasterketa. Giro oso polita egon da eta jendeak asko animatu du. Erdiguneko kaleetan korrika egiteak badu xarma; ikusten ari ziren umetxoek ere egin dute korrika gurekin batera". Halaxe deskribatu zuen Sergio Garcia Oñatiko korrikalari gazteak egubakoitz iluntzean Arrasaten jokatu zen II. Gaueko Tafyd krosa, podiumera saria jasotzera igo aurretik. Eta ez zen bakarria izan, galdutako korrikalarietako gehienek gauza bera azpimarratu zuten: giroa eta herritarrek emandako animuak.

Sergio Garciak 18 minutu eta 35 segundo behar izan zituen lasterketaren 6 kilometroak egiteko. Emakumezkoetan azkarrena, berriz, Aitziber Urkiola eibartarra izan zen, 23:43ko denborarekin.

Era berean, Luis Dehesa (20:22) eta Marije Velasco (26:11) izan ziren azkarrenak beteroetan.

ABIADURA BIZIA

Lasterketa Ferixalekuan hasi zen, 20:00etan eta hasiera-hasieratik erritmoa gogorra izan zen.

Sei kilometro ez dira asko eta horrek markatu zuen neurri baten lasterketaren abiadura. Sergio Garciak berak aitortu zuen uste zuela lehenengo itzulia "apur bat motelagoa" izango zela. Baina, esan bezala, erritmoa bizia izan zen hasierako metroetatik.

Ibilbidea erdiguneko kaleetan barrena izan zen eta bi kilometroko hiru itzulik osatu zuten lasterketa. Hain justu, ibilbidea erdiguneko kaleetan barrena izateak badu bere berezitasuna; ibilbidea bihurtuz bilakatzeko dela, eta hainbat korrikalarik azpimarratu zuten hori amaieran. Aitziber Urkiolak,

esaterako, zera esan zuen: "Bihurgune askoko lasterketa izan da, apur bat arraroa, baina polita".

ANTOLATZAILEAK POZIK

Antolatzaileak -Arizmendi ikastola- oso pozik daude lasterketak izandako erantzunarekin: "Korrikalari kopuruak gora egin du. Aurten 74 korrikalarik hartu dute parte, iaz baino gehiago, eta pozik gaude lasterketa indartzen doalako", esan zuen lasterketa ostean David Berezibarrek.

Aurtengo lasterketa bukatu berri, dagoeneko badihardute datorren urtekoan pentsatzen, eta Berezibarrek azpimarratu duenez, "100 laguneko hesia apurtzea" izango da erronka nagusia.

HURRENGOA, SORALUZE-BERGARA

Debagoienean egingo duten hurrengo lasterketa Soraluze-Bergara izango da (10 kilometro), azaroaren 6an. Antxintxika triatlói taldeko lagunak aldatu egingo dute irteera puntua, eta baita ibilbideko zati bat ere, zailtasun fisikoa dutenek ere lasterketa egin ahal izan dezaten.

DATUA

74

KORRIKALARI

Egubakoitzean 74 korrikalari animatu ziren II. Gaueko Tafyd krosa egitera. Arrasatekoak ez ezik, Bergarako, Aramaio, Aretxabaletako... korrikalariak hartu zuten parte.



Ferixalekuan izan zen irteera, 20:00etan. 74 korrikalarik hartu zuten parte eta 72k bukatu zuten.



Aretxabaletako alkate Inazio Garrok ere hartu zuten parte.

JOSETXO ARANTZABAL

PROTAGONISTAK



Sergio Garcia
Oñati

"Ondo ibili naiz, azkenerako indar apur bat egin beharra izan dut, baina osterantzean, ondo. Lasterketa hasieratik izan da bizia; uste nuen lehenengo buelta apur bat lasaiagoa izango zela, baina ez; hasieratik izan da azkarra erritmoa eta horri eustea izan da gakoa. Arrasateko lagunak ditut, eta eurak esan zidaten lasterketa hau zegoela eta entrenamendu gisa erabili dugu. Bestalde, jende asko zegoen kalean animatzen eta giroa polita izan da".



Aitziber Urkiola
Eibar

"Lasterketa apur bat arraroa izan da, bihurtze asko zeudelako ibilbidean, baina ondo joan da. Gustura egin dut. Giroa oso polita iruditu zait. Izan ere, erdiguneko kaleetan barrena izan da eta jende asko zegoen ikusten eta animuak ematen. Lehenengoz etorri naiz. Arrasateko lagunak ditut eta euren bitartez izan dut lasterketaren berri; gaueko krosa zela esan zidaten gainera, eta berezia iruditu zitzaidan. Orain Behobia-Donostia dut buruan".



Aitor Arana
Aramaio

"Oso gustura ibili naiz; eguraldia ona izan da eta ikusleek ere asko animatu dute. Iaz ere hartu nuen parte eta hartan ere gustura ibili nintzen, bada, aurten errepikatzea pentsatu dut. Neurera atera naiz eta gustura bukatu dut lasterketa; erritmoa egokia izan dela iruditu zait. Gainera, sei kilometro dira, ez da luzea, eta horri gehitzen badiogu kalean jendeak asko animatzen duela, ba, parte hartzera animatzea erraza da".



Alberto Ozaeta
Arrasate

"Ondo, baina azkenerako nekatuta, hiru buelta luze egiten dira eta. Aurrekoak azkar hasten badira norberak ere igo egiten du erritmoa eta gero... Iaz ere hartu nuen parte eta aurten jende gehiago dagoela uste dut; lasterketa izena egiten doanaren seinale. Oso giro polita egoten da, gainera. Lasterketa polita izaten da, era berean, Zarautzen egiten den mistoa, bikoteka korritzen dena. Animatu nahiko nuke jendea parte hartzera; oso polita da".



David Berezibar
Arrasate

"Antolatzaileok balorazio positiboa egiten dugu, bai parte-hartze aldetik zein antolakuntza aldetik. Azpimarratuko nuke korrikalari kopurua goraka doala eta baita antolakuntza ere boluntario gehiago egon dela. Eta horrez gain, azpimarratuko nuke kaleko giroa ere oso ona izan dela. Bestalde, eskerrak eman nahi dizkiogu antolakuntzatik herriko dendariei emandako laguntzatik eta bestela ere lagundu diguten guztiei".



JOSETXO ARANTZABAL



Sergio Gartzia helmugara iritsi zen uea.

JOSETXO ARANTZABAL



Herritarrek Aitziber Urkiola animatzen.

JOSETXO ARANTZABAL

Lasterketaren sailkapena

MUTILAK

Sergio Gartzia	18:35
David Gartzia	18:38
Joseba Plaza	18:40
Ander Agirre	18:58
Richar de Goñi	19:17
Unai Hernandez	19:19
Kepa Varela	19:22
Martin Berrizbeitia	19:54
Garikoitz Uzkudun	20:02
Iker Sarabia	20:09
Endika Donnay	20:19
Luis Dehesa	20:22
Gaizka Romero	20:27
Gurutzar Larrea	20:30
Josu Bareño	20:42
Juan Carlos Gomez	20:48
Beñat Etxabe	20:52
Aritz Saidi	20:58
Mikel Balanzategi	21:03
Jon Osinaga	21:06

NESKAK

Aitziber Urkiola	23:34
Ane Ciaran	25:32
Leire Altube	25:43
Marije Velasco	26:11
Aintzane Ezeolaza	27:40
Yolanda Pz. de Arenaza	28:14
Lorea Jimenez	30:15



Bihurgune askodun ibilbidea izan zuen lasterketak.

JOSETXO ARANTZABAL



Senior eta beterano mailako azkarrenak saria jasotzen.

JOSETXO ARANTZABAL



Txikiteoan zebiltzan herritarrek gogoz animatu zituzten korrikalariak.

JOSETXO ARANTZABAL

ZER DIOTE DEBAGOIENKO UMEEK?

ZER DIO GOSE TALDEAK?

FUTBOLA > OHOREZKO ERREGIONALA

Ezustean eta amaierarako hiru minutu falta zirenean etorri zen Hernaniren gola

Bergararen defentsako akatsa oso ondo aprobeztatu zuten Hernanikoek

BERGARA

0-1

HERNANI

Bergara > Asier Lopez, Aitor Elorriaga, Jon Garitano, Mikel Oregi, Iker Arakzonaga, Unai Agirre, Beñat Katalan, Julen Iñurrieta, Martin Ibañez, Markel Itzarbe, Jokin Baltzategi eta Imanol Cabanillas.

Hernani > Jon Gartzia, Aginagalde, Mingo, Peru, Lujanbio, Adrian, Urío, Gurrutxaga, Omar, Olasagasti eta Bereziartua.

Epailea > Estebañez. Ez zuten adierazi penaltia izango litzatekeen Hernanikoen esku bat. Bergarako zaleek gogor kritikatu zuten.

ARRITXU BARRUSO > BERGARA

Etxetik kanpora arazoak izaten ari direla-eta, Bergararendako garrantzitsua zen zapatuan etxe-

ko berotasunean hiru puntuak lortzea. Dena dela, bazekiten ez zela lan erraza izango; Hernani liderra zuten aurrez aurre.

PIZTU ZIRENERAKO BERANDU

Partidu gogorra izan zen zapa-tukoa, zelaiaren erdian borroka askorekin: Hernani atzean tinko eta Bergara aurrera egin ezinik. Partiduaren lehenengo zatia horrelaxe joan zen, joko eta aukera gehiegi barik. Hutseko berdinketarekin joan ziren alda-geletara.

Bi taldeak ere biziago itzuli ziren zelaira bigarren zatian eta urduritasuna sumatzen zen harmailetan. Hamargarren minutuan Hernanik gola egiteko aukera garbia izan zuen, baina Bergarako atezainak gelditu ona egin zuen. Arriskua ikusita baina, bergarrek erreakzionatu egin zuten eta denborak aurrera egin ahala bergararrak gero eta gertuago zeuden gola egiteko. Aukera bi ere izan zituzten horretarako, baina nahi eta ezin izan zen.

Gola egiteko nahiak Bergarako defentsan akatsa ekarri zuen eta Hernanik ondo aprobeztatu.



Partidu oso parekatua izan zen. Argazkian Bergara eta Hernani baloia eskuratzeko lehian.

JOSETXO ARANTZABAL

Inork espero ez zuen arren, partidua amaitzeko hiru minuturen faltan Hernanik garaipenaren gola egin zuen. Epaileak bost

minutu gehiago eman zituen arren, Bergara behera etorri zen eta ezin izan zion markagailuari buelta eman.

Ordiziara joango dira bergararrak datorren astean. Etxean galdu ostean, ezinbestekoa zaie kanpoan puntuak egiten hastea.



J.A.

Urduritasun puntu batekin, baina 1-0 irabazi zuen atzo Aretxabaletak

Partidu bizia jokatu zuen Aretxabaletak Ibarran Idiazabalen kontra. Aretxabaletakoek oso ondo hasi zuten partidua, intentsitatearekin. Joko onaren emaitza 20. minutuan iritsi zen Oinatzen golarekin. Horrela amaitu zen lehenengo zatia. Bigarren zatian urduriegi ibili ziren Rafa Uribarrenen mutilak, markagailua mantendu nahian eta beharbada gauzak azkarregi egin nahian. Idiazabalgok, baina, ez zuten lortu gola egiterik.

> OHOREZKO ERREGIONALA
Aloña Berioeren kontra galdu, eta Mondrak irabazi Hondarribiari

Aloña Mendik Berio donostiarraren zelaian galdu egin zuen zapatu arratsaldeko partiduan. 2 eta 0 markagailuarekin amaitu zen partidua.

Mondrakoek zorte handiagoa izan zuten zapatu arratsaldean. 1 eta 4 irabazi zioten Hondarribiari.

> EMAKUMEZKOEN LIGA
Mondrak 5-4 irabazi zuen eta Arizmendik, berriz, 2-0 galdu

Mondra taldeko neskek lider izaten jarraituko dute beste astebetez, zapatu arratsaldean Azpeitiako Lagun Onaki 5 eta 4 irabazi ostean. Arizmendiko neskek, ordea, domekan, ezin izan zituzten debarrak menderatu, eta 2 eta 0 galdu zuten Amaika Baten kontra.

ZER DIO PELLO URIZARREK?

ZER DIOTE DEBAGOIENEN GARRAIOLARIEK?

2. KONTZERTUA

azaroak

5

EGUBAKOITZA

22:30

ELGETAKO KAFE ANTZOKIA

SARRERAK ETA ABONUAK //
SALGAI DAUDE:
1 > GOIENAKO EGOITZETAN
2 > 943 25 05 05 ZENBAKIAN
3 > ESPALOJA KAFE ANTZOKIAN

SARREREN SALNEURRIA 5 EURO //
GAZTEKUTXAREKIN 3 EURO
ABONUA 22 EURO //
GAZTEKUTXAREKIN 12 EURO

EL TRIO CALAVERA
OÑATI

ROCK PRIVADO
OÑATI-DONOSTIA

FRONT MALABAR
ARRASATE

YMOTEK
ABADIÑO



www.danbaka.com

BABESLE NAGUSIA



LAGUNTZAILEA



ANTOLATZAILEAK



Koldo Lamikiz > Beterano mailako ziklista

"Disfrutatu egiten dut entrenatzen, ez zait batere kostatzen"

XABIER URTZELAI > BERGARA

Ibarreko zikloturistek ondo ezagutzen dute Koldo Lamikiz (Artega, 1948); batek baino gehiagok izerdi ederrak bota ditu bizikletan Bergarakoaren gupila jarraitu nahian. Hogei urte lasterketatik kanpo egon ostean, 62 urterekin harra sartu zaio berritoki: "Nire adinarekin eta dominak erakusten ibiltzea ere!", dio barrez: Beteranoetan Euskadiko txapeldu izan da, eta Espainiakoan hirugarren. Aurtengo lorpenak, baina, ez dira hor amaitzen.

Astebetean Mallorcako itzulia irabazi eta Europako txapelketan hirugarren geratu zara. Hori da aste biribila.

Bai, baina Mallorcako itzuliko azken etapan helmugara iristeko bi kilometroren bueltan lurrera joan nintzen, eta dominekin batera saihetsetan eta sorbaldan kolpe ederra hartuta itzuli naiz. Aste barruan hasi naiz bizikletan poliki-poliki, banabil errekupeperatzen.

Egin dezagun atzera, 62 urteren ostean txirringarritasunaz izango duzu zer kontatu.

Pentsa, *batallitak* kontatzen hasiz gero egun osoa beharko genuke [Barre].

Gaztetatik hasi zinen bizikletan.

Gernikesa taldean korritzen nuen nik, hamasei urterekin, baina amak gogor egiten zigun ikasi egin behar genuela esanez eta Arrasatera etorri nintzen. Bizikleta alde batera utzi nuen orduan, eta soldaduska egiten nengoela hasi nintzen bizikletan berritoki ere ibiltzen, 27 urterekin-edo.

Eta 32 urterekin amateurrekin hasi zinen lehian.

Bai, hiru bat urte egin nituen, eta etapa batzuetan aurrealdean ibili banintzen ere orduan oso jende ona zegoen. Jaisten eta lautadan ondo defendatzen nintzen, baina aldapa gora beste maila bat zegoen: Xabier Izuzkitza, Izagirre, Ruben Gorospe, Fede Etxabe, Arsenio Gonzalez...

Ondoren beterano mailan hasi zinen korritzen.

Bai 42 urte bete nituen arte beteranotan korritu nuen. Orduan lortu nuen Espainiako txapelketa lautan irabaztea, eta Gorlan ere zazpi urtez irabazi nuen.

Lasterketak utzi zenituen orduan, baina berritoki ere hasi zara aurretik.

Pentsa, 20 urte egon naiz lasterketatik esku hartu barik, baina buruan sartu zitzaidan, eta....

Entzun dut zikloturista irteera batean Lamikiz badago, egun horretan ez dagoela bakerik.

[Barre] Bai, atsegin dut estutzia, bai. Alde horretatik oso lehiakorra naiz. Nire erritmoan joatea atsegin dut, eta ahal badut aurrera egin, baina ez inor atzean uzteko asmo txarraz. Ondoren hamarretakoa egiteko guztiekin itxaron, eta etxera batera itzuli. Hori da politena.

Baina ez didazu esango 62 urterekin 30 urteko gazteak atzean uztea gozamenaz ez denik.

[Barre] Bada, bai. Baina gehiago da nire adinarekin ze mailatarira iritsi naizen ikustea. Hori bai, asko zainduta eta gogor entrenatuta. Nik, baina, halaxe disfrutatzen dut, zorrotz entrenatzea ez zait batere kostatzen.

Espero zenuen Mallorcan horren ondo ibiltzea?

Ondo entrenatuta joan nintzen. Europako txapelketan 45 kilometroko etapa egin genuen, eta oso azkarra izan zen. Javier Perezek eta biok adostu genuen holidarrak [Fred de kinkelder eta Job Ribbers] gertutik zaintzea. Egin zituzten ihesaldi ahalegin guztietan atzean ginen, baina azken erasoetako batean Perez atzean geratu zen eta ni geratu nintzen eurekin bakarrik. Eta hori aprobetxatu zuten elkarrekin lan egin eta ni ere atzean uzteko.

Eta jarraian korritu zenuten Mallorcako itzulia.

Hiru eguneko etapa izan zen. Hirugarren etapa hasi aurretik

"Gaztetan Gernikesa taldean korritzen nuen, baina ikasketengatik utzi nuen bizikleta"

"Amateur mailan oso ziklista onekin korritu nuen, beste maila batekoak ziren"



Koldo Lamikiz, Europako txapelketako dominarekin.

XABIER URTZELAI

lider nengoen, eta paper batean gertutik jarraitu beharreko dortsal guztiak apuntatu nituen [Barre], eta manillarrean jarri nuen paper hori. Aurrean ibiltzea zen asmoa, etapa zaintzen, eta lortu nuen, helmugara iristeko bi kilometro falta ziren arte.

Lurrera joan nintzen orduan, baina zorionez epaileek lehenengoaren denbora jarri ziguten lurrera joan gineoi, eta itzulia irabazi nuen, justu-justu.

"Urteekin galdu egiten da aldapa gora joateko gaitasuna, bihotzak ez du berdin erantzuten"

"Badakit maila honi ezingo diodala luzaroan eutsi, baina lasaiago ibilita ere goza daiteke"

Bizikleta gainean, baina, igarriko da urteak aurrera doazela.

Duda barik. Aldapa gora motelago joaten naiz, bihotza ezin dugu lehen moduan estutu. Gehiago kostatzen da errekupeperatzea, baina lautadan eta aldapa beheara ondo moldatzen naiz oraindik. Badakit maila honi ezingo diodala luzaroan eutsi, baina honezkerok ez gara burua galtzen hasiko. Lasaiago ibilita ere posible da bizikletaz gozatzea.

HEZIKETA > JARRERAK

Jarrera egokiak ikasteko ezinbestekoa da gurasoen eredua

Gurasoei gustatu egiten zaigu ondo hezitako umeak ditugula entzutea, baina ez da erraza; pazientzia eta eredu izatea beharrezkoak dira

LARRAITZ ZEBERIO > ARRASATE

Seme-alabei jarrera egokiak erakustea ez da lan erraza. Txiki-txikitik hasi beharra dago eta irmoa izan beharra dago, gainera. Salvador Cardus soziologoaren esanetan, kontua ez da arau zorrotzak ezartzea, baizik eta jarrera eredu egokiak erakustea. Zeregin horretan gurasoen erreminta nagusia uneoro eredu izatea da.

Jarrera egokiak ikusi behar ditu umeak. Ez du ezertarako balio etxetik kanpo jarrera horiek sustatzea etxeko intimitatean errespetatzen ez baditugu. Gainera, umearen heldutasunaren arabera exijitu behar ditugu.



Umea jaten.

GMALRAS

Azalpenek ere egokiak behar dute. Ez diegu soilik egin behar ez dutena azaldu behar, egin behar dutena zer den ere azalduko diegu. Garrantzitsua da, halaber, modu egokian jokatzeko dituen ondorio onak azpimarratzea. Hau da, errespetuz jokatzen badu, harekin ere errespetuz jokatuko dutela adieraztea.

GUTXIENEOAK

Mesedez, *Eskerrik asko* eta *Bar-katu* esatea, jendea agurtzea, elkarriketak errespetatzea, ordena eta higieena kontuan hartzea eta mahaian jarrerak zaintzea dira seme-alabei eskatu beharreko gutxieneoak. Baina galdera da; gurasook ere zaintzen ditugu horiek guztiak?

HEZKUNTZA > EREDU ESPERIMENTALA

'El león dormido' hezkuntza ereduko eskola Nafarroan

L.Z. > ARRASATE

Gazolatz herriko (Nafarroa) eskolan ez dago adinaren araberako sailkapenik, ez dago klaserik eta eskola eremu ezberdinetan bana-

tuta dago. Guztiak dituzte uneoro eskura ikasleak; txoko bakoitzean nahi dutena egin dezakete nahi duten unean. *El león dormido* izeneko hezkuntza eredu dute.



Umea jolasean.

SE02

Hezkuntza eredu horrek ez du zerikusirik eskola konbentzionalekin. Eskola horretan haurrek euren kasa ikasten dute, inork irakatsi gabe. Prozesu autodidakta baten oinarritzen da eta haurrek bizi dituzten esperientzien arabera ikasten dute. Arduradunen esanetan, euren erritmoa eta autonomia errespetatzen dira.

HELDUEN ZEREGINA

Eskolan haurrek beti dute pertsona heldu bat ondoan. Ez zaie irakasle hitza gustatzen, euren zeregina haurrei inguru egokia eskaintzea baita. Proposamen irekiak egiten dizkiete, haurrek onartuko dituztenak edo ez. Onartuz gero, horrek esan nahi du haurrak sentitzen duen behar jakin bat asetzeko unea iritsi dela. Orduan, bereziki prestatutako material pedagogikoa eskaintzen diete. "Haur batek egun osoan matematika gelan egon nahi badu, egon egingo da", entzun diegu arduradunei Euskadi Irratiko *Mezularia* saioan. "Errealitateak berak jarriko du irakurketa interesik ez duen haurra behar horren aurrean".

OSASUNA > ATSEDENA

Hurtzaroan lo gutxi egiteak ondorioak ditu

L.Z. > ARRASATE

Bi ikerketa berriren emaitzak jaso dituzte *zientzia.net* atarian. Gauetan hamar ordu baino gutxiago lo egiten duten 5 urtetik beherako haurrek joera handiagoa izan dezakete, urte batzuetara, gehiegizko pisua edo loditasuna izateko. Kaliforniako eta Washingtongo hainbat unibertsitatetako bi ikerlariren baieztapena da hori.

Ikerketak 1997 eta 2002. urteetan egindako inkesta bat du oinarri; 1.930 haurrek parte hartu zuten, eta bi urteotan bildutako datuak alderatu ziren gero. Hala, haurren lorik ezak loditasuna eragin dezakeela iradokitzen duen lehenengo ikerlana da honakoa. Oraindik, ordea, ez dute oso argi zein den azalpena, eta ikertzen jarraituko dute.

SIESTAREN GARRANTZIAZ

Ikerlariek diote siestak ezin duela gaueko loa ordezkatu. Garrantzitsua da, baina ez du gaueko loa guztiz konpentsatzen. Bi loaldiek funtzio ezberdinak betetzen dituztela azaldu dute: "Siestak estresa kentzen edo ikasteko adi egoten lagun dezake, adibidez. Gaueko loaren barruan, berriz, funtzio biologikoak, psikologikoak eta lehengoratzeari dagozkionak sartzen dira".

Ikerlariek azaldu dute ikeretzen jarraitu behar dutela: "Aditu batzuentzat, zenbat eta luza-roagoan egon esna, orduan eta gehiago jango du haur batek. Beste teoria batek dio atsedeen gutxi hartzen duten umeak nekatuegi daudela kirol edo jarduera fisikoak gogotsu egin ahal izateko".



Umea lo.

KENNETH F. ANDRADE

> PUBLIZITATEA

Eskolako mahaietan eta aulkietan iragarkiak ipintzeko bidea zabaldu dute Italia hegoaldean

Italian ere aurrekontu murrizketa handiak egon direla eta zenbait eskolotako arduradunek publizitatea saltzea erabaki dute. Iragarleek azaroaren 30ra arteko epea dute espazio horiek erosteko. Prezioa ere finkatuta dago: 69,80 euro, BEZa kanpo. Askotariko iritziak sortu ditu ekimenak. Kontrako iritziak baretu aldera, Barletta probintziako Pompeo Camerok esan du ez dela edozein iragarki onartuko. Zer iruditzen zaizue?

> TERTULIA

Nerabezaroaren gainean Goiena Telebistan egindako tertulia 'guraso.com' webgunean ikusgai

Nerabezaroako gorabeherak, jarrera aldaketak, eskakizunak... gai horiek guztiak izan dituzte hizpide azaroko tertulian Goiena Telebistan. Mahaiaren bueltan izan ziren Aranzadi ikastolako irakasle Yolanda Juaristi, Arrasateko kale-hezitzaile Xabi Elkororibe eta Arrats elkarteko kide Jose Mari Larrañaga. Euren esperientziaren berri eman zuten eta bizitzako etapa horren aurrean lasai egoteko aholkatu zuten. Tertulia ikusgai duzue *guraso.com*-en.

Testu hauek osorik irakurtzeko eta erantzuteko, zatoz gure webgunera



guraso.com

G2a

Goienka2a > KULTURA ETA AISIALDIA



> DANBAKA

Lehenengo kontzertuko talde bakoitzaren balorazioa eta argazki onenak > 30-31



> IKUSKIZUNA

Jendeak bat egin du X. Nazioarteko Txotxongilo Mostrarekin, Bergaran > 33



> AMAIA CAYERO

Euskal Telebistako aurkezle gazteak bere zinezaletasunaz hitz egin digu > 40



DANBAKA Lord Witch izan zen egubakoitzeko hirugarren taldea; bergararrekin zoramena iritsi zen Elgetako Espaloia Kafe Antzokira.

JOSETXO ARANTZABAL

Punka, heavya, metala eta elektronika gau berean

Egubakoitzean hasi zen Elgetako Espaloian Danbaka musika lehiaketaren laugarren edizioa

Jarraitzaileak hasieratik taldeen aldamenean egon ziren; lehenengo ilaran dantzan

ARRITXU BARRUSO > ELGETA

Danbakaren laugarren edizioa abian da. Egubakoitzean egin zen Elgetako Espaloia antzokian lehenengo kontzertua; aurten ere maila altuko kontzertuak ikusi-ditugula argi geratu zen.

GAZTETASUNA ETA INDARRA

Black Riverrek estreinatu zuen Danbakaren laugarren edizioako lehen gaua. Formatu akustikoan

hasi zuten gaua: abeslaria eta gitarra aulki batean eserita eta balada goxo batekin. Hortik aurrera indartsu jardun zuten. Metal melodikoa egiten dute Black Riverrekoek eta gazteak izan arren sekulako indarra erakutsi zuten. Bigarren abestirako lehenengo ilarara jende mordoxka gerturatzea lortu zuten. Bigarren taldearendako Espaloia berotuta utzi zuten oñatiarrek.

PUNKA BETE-BETEAN

Bergara, Arrasate eta Soraluzetik punk-rock doinuak ekarri zituzten Despreziokoek. Jarraitzaileak hasieratik izan zituzten aldamean, lehenengo ilaran dantzan. 80ko hamarkadan Euskal Herrian jorratu zen punk-rocka ekarri zuten gogora eta baita doinu ilunagoak ere, siniestroagoak. Hirukotea izanda ere indarra erakutsi zuten: bat-batekotasuna, amorrua eta gartzetasuna. Abesti motzak eta zuzenak egin zituzten, salaketa eta umorea tartekatuz.

JARRAITZAILEAK, ZORATZEN

Gaueko talde beteranoaren txanda etorri zen ondoren: Bergarako Lord Witch. Taula gainera igo baino lehen jarraitzaileak dagoeneko zain zituzten euren taldearen

IKUSLEAK ETA GIROA

Oñatiar eta bergarar asko Espaloian

Danbakaren laugarren edizioa giro ezin hobearrekin hasi da. Egubakoitzean Espaloia jendez bete egin zen hasiera-hasieratik. Oñatiko Black Riverrek eta Bergarako Lord Witche jarraitzaile asko eraman zituzten Elgetara. Dena dela, besterik gabe, eta Danbakak eskaintzen duen musika ikuskizunaz gozatzera joan zirenak ere asko izan ziren; urteroko jarraitzaileak, Debagoieneko eta inguruko musikaren jarraitzaileak. Lehenengo izateko ez zen hoztasunik sumatu eta lehenengo kontzertutik jendea dantzan ibili zen lehenengo ilaratan.

izena oihukatzen. Danbakara aurkezten diren bigarren aldia da eta bergararrak nobedadeekin etorri dira: teklatura gehitu diote taldeari eta abeslari berria dute, orain arteko gitarra eta *frontman*-ari laguntzen. Lord Witchekoek zoramena ekarri zuten Espaloira: lehenengo ilarak jendez lepo eta guztiak kontzertuan zeharo sartuta. Heavy-rock klasikoa egiten duen talde bergararrak argi utzi zuen sekulako eskarmentua duela.

ALEMANIAKO ELEKTRONIKA

Musika elektronikoarekin amaitu zen gaua. Danbakan orain arte entzun gabeko proposamena ekarri zuen La-Toxek, ikusleak Alemaniara eramanez. Gustura hartu zen nobedadea eta txalo eta animu asko entzun ziren *Txxs*-entzat.



BLACK RIVER | Oñati

Adituak esana > Mikel Alvarez

"Nahiko ondo ikusi ditut. Abestiak ondo landuta eta estrukturatuta daudela uste dut. Taula gainean ere eroso ikusi ditut, beharbada kontzertu gehiago ematea falta zaien arren. Euskal Herrian ohikoa den trash-metal edo heavy metala egiten dute".

Ikusleak esana > Imanol Soriano

"Sekula ikusi gabe neukan taldea da. Egia esan harritu egin nau, lehiaketa bat dela kontuan izanda eta lehenengoak izanda, modu akustikoan hasi direnean; baina gustatu zait hori ere. Ahotsen nahasketa ere asko gustatu zait. Oso biziak dira zuzenekoan. Aurrerantzean jarraitu beharreko talde bat dela uste dut".

Kazetariak esana > Arritxu Barruso

"Lan polita egin dute oñatiarrek. Kontuan izan behar da lehiaketako eta gaueko lehenengo taldea izan dela eta horrek dakarren tentsioa. Oso eroso ikusi ditut taula gainean".

Taldeakideak esana > Kepa Alberdi

"Oso pozik gaude. Emateko geneukan dena eman dugu eta jendeak oso ondo erantzun du. Momentu polita izan da, benetan. Oñatitik etorritako jendeari esker eman nahi dizkiot. Jarraritzailak aldamenen izateak asko motibatzen gaitu. Danbakan parte hartzea zen gure helburua eta lortu dugu. Orain ikusiko dugu zer gertatzen den".



DESPREZIO | Bergara-Arrasate-Soraluze

Adituak esana > Mikel Alvarez

"Punk-rock argi eta garbia egiten dute. Badirudi azkenean ere Danbakan sartu dela punka eta hori gustatzen zait. Gitarra-jotzaileak *bakarkako* asko egiten ditu eta kolore asko ematen die abestiei; hori punkean berritzailea da, beti ere gure ibarrean ohikoa den punktetik irten gabe".

Ikusleak esana > Imanol Soriano

"Despreziokoek punkaren garai onenetara eramán gaituzte. Uste dut lehiaketak ematen dituen 30 minutuak oso denbora aproposa dela euredako. Nabaritzen da oso azkar eta jarraian jotzera ohituta daudela. Abestiak, ohiko moduan, gizartearekin oso kritikoak. Gustatu zait".

Kazetariak esana > Arritxu Barruso

"Kontzertu dibertigarria izan da. Taula gainean disfrutatu egin dute eta hori jendearengana iristea lortu dute. 80ko hamarkadako Euskal Herriko punk gogorra ekarri digute Despreziokoek gaur Elgetako Espalaira".

Taldeakideak esana > 'Manzana'

"Oso gustura egon gara taula gainean. Bero gehiegi zegoen, baina oso ondo. Akats batzuk ere egin ditugu, baina suposatzen dut normala dela. Lagunak gurekin izan ditugu lehenengo ilaran dantzan eta hori ere garrantzitsua da. Garrantzitsua da oso ondo pasatu dugula. Ikusiko dugu zer gertatzen den".



LORD WITCH | Bergara

Adituak esana > Mikel Alvarez

"Urteak daramatzate taula gainean eta nabaritzen da sekulako eskarmentua dutela. Askok gustatu zait kontzertua. Eszena-tokia ondo aprobetxatu dute eta etxeko lanak oso ondo eginda etorri dira: abestiak ondo entseaturik eta dena oso prestatuta. Gainontzeko taldeetan ez dut hauek erakutsi dute eskarmentua ikusi".

Ikusleak esana > Imanol Soriano

"Lord Witch ikustera etorri naiz. Ardoa bezala hauek ere urteekin hobetzen doaz zalantza barik. Bi taldekide berriek gainera, norabide berri bat eman diote taldeari. Jorgek eta *Euge*-k egin duten puntea asko gustatu zait".

Kazetariak esana > Arritxu Barruso

"Argi geratu da sekulako eskarmentua duen taldea dela. Giro bikaina ipini dute. Espalora bete egin da eta dantzan ipini dituzte jarraritzailak. Eszenaratzea oso txukuna izan da eta abestiak eta kontzertua orokorrean ondo prestatuta ekarri dutela argi geratu da".

Taldeakideak esana > 'Euge'

"Nekatuta bukatu dut, baina pozik nago eman dugun kontzertuarekin. Jendeak oso ondo erantzun du. Harro egoteko moduan gaude oso jarraritzaila fidelak ditugulako. Danbakara gatozen bigarren aldia da. Guretako sekulako promozioa eta aukea da hemen egotea".



LA-TOX | Bergara

Adituak esana > Mikel Alvarez

"Askok gustatu zait Txus Arriaranen proposamen berria. Kritika txiki bat egitearren, beharbada makinek protagonismo gehiegi dute eta ahotsa faltan igarri dut apur bat. Oso proposamen berritzailea eta interesgarria iruditzen zait. Danbakan originaltasunaren saria egongo balitz, gauzak hemendik joan beharko liriateke".

Ikusleak esana > Imanol Soriano

"Gurean ezohikoa den musika estilo bat egiten dute, baina gustatu zait. Berlingo tekno gauak ekarri dizkit gogora. Eszenaratzea oso berezia izan da eta musikalki ere oso ondo ikusi ditut. Dena dela, akaso esperimentalegia".

Kazetariak esana > Arritxu Barruso

"Askok eta askorendako ezezaguna den proposamena ekarri digute La-Tox taldekoek. Danbakan entzun gabe geneukan estiloa da eta gustura hartu dut proposamen berritzailea. Eszenaratzea ere oso kuriozua izan da. Proposamen ausarta, baina oso interesgarria".

Taldeakideak esana > Laida Ballasteros

"Oso pozik gaude eskaini dugun kontzertuarekin eta batez ere ikusleek izan duten erantzunarekin. Uste dugu gustatu zaizela eta oso pozik gaude; ez genuen horrelako harrerarik espero. Kritika gehiago jasoko genituela uste genuen. Oso gustura egon naiz taula gainean".




'Manzana' (Desprezio).



Lord Witcheoek eszenaratze landua eta indartsua erakutsi zuten.



La-Toxeko 'Txus' eta Laida.



Lord Javi.



Black River taldeak ireki zuen gaua.



Lord Witche jarraitzaileak.



'Porru' (Desprezio).



'Txus' Arriaran.



Desprezioko 'Manzana' eta 'Izu' kontzertuan.



'Pana' (Black River).



Maidar Arregi

Hasi da burrunba eta zarata!

Danbakako laugarren edizioak berotu ditu motorrak!

Lehenak izotza apurtzen, Oñatiko **Black River**reko *metaleroak*. Zaleen botoei esker sailkatzea lortu dute. Eta zale horiek guztiak, lehenengo ilaran ikusi genituen burua astintzen! **Txantxikuak** jarraitzaile fidelak direla nabarmen gelditu zen. Hantxe ikusi genuen **Potemkineko Iban** bateria-jotzailea. Taldearen ibilbidea batzen duen argazki-liburu bat ateratzeko lanetan dabiltzala kontatu zigun.

Danbaka gosez zeuden partaide ohiak ere ikusi genituen Espaloia Antzokian: **Aby-Kem**, Danbaka *dardar* jarri zuen taldeko **Mikel** abeslaria edota **Anal Bag, Anger** eta **Little little much** taldeetan diharduen **Momo**. Askok, Danbakari esker ezagutu genuen **Little little much** proiektu interesgarria eta berriro elkartu direla jakitea albiste bikaina da benetan! Aipamen berezia, **Desprezioko** bateria-jotzaileari, **Porru-ri**, oinutsik primeran moldatzen delako, eta, emakumezko bakarra delako aurten baterian. **Lord Ugeren** alaba ere aita animatzen! Gau berezia izan zen Ugerendako urteak bete zituen eta oholtza gainean. Zorionak!

Hurrengo kontzertua Azaroak 5

- > El Trio Calavera
- > Rock Privado
- > Front Malabar
- > Ymotek

HAN IRITZIA EMAN DIGUTE

Goratzte Ojanguren
Elgeta

"Bertakoak izanda askotan etortzen gara Danbakako kontzertuetara. Giroa ikustera etorri gara, Danbakak inguruko herrietako jende gazte asko mugitzen du. Gaua ondo joan da; hasieran lasai samar, baina Lord Witcheoek sekulako giroa ipini dute".

Raul Lozano
Bergara

"Despreziokoak ondo egon dira, punka izateko ondo ikusi ditut. Ni Lord Witch ikustera etorri naiz. Oso ondo ikusi ditut, sekulako maila erakutsi dute eta argi dago profesionalak direla. La-Tox ere asko gustatu zait. 'Txus'-ek beste behin ere harritu gaitu".

Xabier Pascual
Oñati

"Black River taldeko bateria-jotzailea nire lehengusua da eta horregatik etorri naiz. Lan polita egin dute, oso ondo ikusi ditut eta aukerak dituztela uste dut. Desprezioren punka ere ondo egon da eta Lord Witcheoek oso giro ona ipini dute".

Iban Morales
Arrasate

"Urtero etortzen naiz Danbakako kontzertuetara. Lehiaketan parte hartu izan dut, gainera. Aurten ere ondo hasi da lehiaketa, gaur entzun dudak musika gehiegi gustatzen ez zaidan arren. La-Tox asko gustatu zait eta Black Riverrekoak ere ondo egon dira".

Alex Molano
Bergara

"Lord Witch taldea ikustera etorri naiz eta egia esan finalean ikustea gura nituzke. Sekulako maila erakutsi dute. Egiten duten musika ez da batera erraza, baina lan bikaina egin dute. La-Tox ere gustatu zait; desberdina, baina oso interesgarria".



*Eraman dotoretasuna
zure etxera*



gelatzu s.l.

Zubillaga auzoa 1
OÑATI
Tel.: 943 71 63 22
Faxa: 943 78 15 51

IKUSKIZUNAK > X. NAZIOARTEKO TXOTXONGILO MOSTRA

Txotxongiloen Mostraren magiak krisiaren larritasunak gainditu zituen

Publikoa oso gertukoa izan dela azpimarratu dute antolatzaileek, Taun Taun taldekoek

Ikusmin berezia piztu zuten plazako antzerkitxoek eta kanpoko emanaldiek

LEIRE KORTABARRIA > BERGARA

Krisiari egotzi beharreko aurrekontu estuasunak fantasiarekin eta ikuskizuna eskaintzeko gogorekin ordezkatu ditu aurten Nazioarteko Txotxongilo Mostra; eta bergararrek zein kanpokoek eskertu zuten, izan ere, publiko aldetik oso ondo joan da 10. mostra. Antolatzaileek, Taun Taun antzerki taldekoek, batez ere zapatuko ikuskizunek izandako erantzuna azpimarratu dute: Munibe plaza gainezka jarri zen Alemaniako eta Errusiako The Fifth Wheel taldearen *Cabare de hilos* ikuskizuna jarraitzeko. Zabalotegi aretoa eta gaztetxea ere bete egin ziren barruko emanaldiak ikusteko.

Antzeko erantzuna izan du Aroztegi aretoko *Fantasías mecánicas-arte y tecnología* delako erakusketak, eta hala izanda, erakusketa epea luzatzea erabaki zuten Taun Taunekoek.

Itsaso Azkarate antolatzailearen esanetan, "oso gertuan" izan dira ikusleak.

"EUTSI EGINO DIOGU"

Arrakasta handia izan dute ere San Martin plazan, udaletxeko arkupetan ipini zituzten lau *tea-*



Pep Gomezek *Romances de ciego* ikuskizuna egin zuen gaztetxean.

J.A

trino edo antzerki-kaxek. Horietan, lagun bat ikusle gisa jartzen zen, entzungailu batzuekin ipuin bat entzuten; eta bestea, antzez-le gisa. Azken horrek ez zuen ipui-

na entzuten, elementuak mugitzeko jarraibide batzuk baizik; hala, oso emaitza dibertigarriak sortzen ziren. "Umeak eta gurasok txandakatzen ziren, eta ume-



Argazki oinaaaaaaaaaaaaaa.

JOSETXO ARANTZABAL



Helduak, umetuta antzerki-kaxetan.

J.A

ek kaxa guztietatik pasatu nahi zuten. Magiaz betetako ikuskizuna izan da. Ume batzuek esaten zuten Nintendoa eta Wii baina hobe zela", esaten du Azkaratek.

Aurtengoa ikusita, Taun Taunekoak indarberrituta irten dira mostra antolatzen jarraitzeko: "Garrantzitsuen antolatzea da, mostrarari eustea".



JOSETXO ARANTZABAL

Amaia antzoki handia txiki geratu zen bertsolariak ikusteko

Amaia antzokia, handia izanda ere, txiki geratu zen txapelketa nagusiko bertsolariak ikusteko, atzo arratsalde-ilunkeran; izan ere, jende asko kanpoan geratu zen. Udalbiltzaren aldeko saioa zen, eta auzipetuak ere hantxe izan ziren, bertsolarion eta publikoaren babesa bertatik bertara jasotzen.

Zuzenean, *Goiena.net*-en streaming bidez eskaini zuen bertso saioa Goiena Telebistak. Makina bat ikuslek jarraitu zuten.

ZER DIOTE INTXORTA ELKARTEKOEK?

ZER DIO IÑAKI GALDOSEK?


sudokua

	8	7		3				
3		9					5	
4	5		8		2			
	3		7	4			8	
		8	2		9		6	
	2	6	3				9	5
		2		7			4	
6	7						2	
			6					7

bila-bila 7



hitz gezidunak

	Eztanda, leherketa Dozena bat	Belar idor Gizon izena	Toka, zioleten Nafarroako herria
	Ibilaldi Kanaberazko hesia		
Emakume izena Ihesliar	* Mahai jokoa Osasunaren zelai ohia		
Zorrien arrautz Helburu		Idi, hitz elkartzeetan Garra	
		Isurkari zuri Islandia	
Kikara Nafarroako herria			Bokala Iodoa

GOIENKARIA

soluzioak




I	U	E	Z	X	A	M	A	V	A
E	I	T	S	T	Z	J	V		
D	A	V	N	Z	N	O	K	A	G
N	F	N	F	S	I	F	E	S	T
R	M	R	Z	I	X	I	A	E	T
X	I	X	A	H	R	T	A	I	X
J	F	J	N	A	N	E	R	A	N
K	J	K	I	A	O	H	I	J	K
Z	U	Z	O	O	X	G	S	A	R

Hieroglifoa: Eskuzabala.

hieroglifoa

Ez zikoitza.



hizki salda

Degaboienero lau dantza talde.

R	S	A	G	X	O	O	U	Z
J	I	A	O	H	Ñ	I	J	K
A	U	K	E	R	A	N	J	F
G	Z	A	H	R	T	A	I	X
A	E	T	X	I	Z	R	R	M
T	S	Z	F	E	S	I	F	N
G	A	K	O	N	Z	N	A	D
A	J	T	Z	S	T	T	I	E
X	A	M	A	T	Z	E	U	I

7	3	1	8	2	6	4	9	5
8	5	2	4	1	9	3	7	6
6	9	4	3	5	7	2	8	1
5	4	9	1	8	3	6	7	2
3	6	7	9	2	5	8	4	1
2	1	4	8	7	6	5	3	9
4	5	1	8	6	2	3	7	9
3	6	9	4	1	7	5	8	2
2	8	7	9	3	5	6	1	4

N	I	A	V	O	S	A	R	V	A	B
A	U	L	I	L	I	T	K	A	K	
E	N	E	S	E			X	E	D	E
I	T	Z	R	T			B	A	R	T
E	R	O	R	E			D	E	S	E
K	A	R	T	A			R			
O	E	S	E				P	A	S	E
I	B	A	M	A			H	A	M	A
Z	L	Z								

asteko horoskopoa

ARIES

martxoak 21-apirilak 21



Zailtasunak aste honetan harremanen arloan. Ahalegindu gauzak samurtasun osoz esaten, berba egiteko zure moduaren bitartez baten bat mindu dezakezu eta.

TAURUS

apirilak 22-maiatzak 21



Bolada ona harremanetarako; lanean onura ekar diezazuketen harremanak izan daitezke eta gainera aukera berriak agertuko zaizkizu.

GEMINI

maiatzak 22-ekainak 21



Ona da lanean arduratsua eta zorrotza izatea, baina horrek ez du esan nahi zeure lau ideietatik ez ateratzea. Ibili arretaz gauza berriekin.

CANCER

ekainak 22-uztailak 22



Lasaitasuna eta bakea familian. Aztoratu zaitzakeen bakarra, edukiko dituzun gastu ugariak izango dira, handiak eta ezustekoak izango dira eta.

LEO

uztailak 23-abuztuak 22



Zeure helburuen lorpenerako traba baino ez diren bide eta ohitura zaharrak berritu eta aldatzeko garaia. Aldatu zaitez. Oporrak behar dituzu, hartu egun batzuk zuretzat.

VIRGO

abuztuak 23-irailak 22



Geldialdian zaude, eta komenigarria litzateke une hori zure egitasmoak aztertzeko erabiliko bazenu, gerora beharrezko aldaketak egin ditzazun.

LIBRA

irailak 23-urriak 22



Lan arloan esperantza handiak; behar gehiago eta ekoizpen handiagoa izan ditzaitez. Une egokia da indarra bildu eta aldar-te onean egoteko.

SCORPIUS

urriak 23-azaroak 22



Bizi zure poztasuna besteekin batera. Lehengo zure ahaleginak fruitua ematen hasi dira. Lan kontuetarako une egokia duzu.

SAGITARIUS

azaroak 23-abenduak 21



Saiatu atsedean hartzen, eta ez zaitez kezkatu gauzak erdizka uzteagatik, estresatuta baitzaude. Osasuna da garrantzitsua. Zaindu zeure burua!

CAPRICORNIUS

abenduak 22-urtarrilak 20



Ez izan zeurekoia izatearen beldur, zeure buruarengan besteengan baino gehiago pentsatzeagatik, horiek eramango zaituzte eta nahi duzuna lortzera.

AQUARIUS

urtarrilak 21-otsailak 20



Saiatu atsedendia hartzen, harremanen inguruan hausnartzeko, batez ere bikoteko harremanen inguruan, ez baitzaude gustura eta aldaketak nahi dituzu.

PISCIS

otsailak 21-martxoak 20



Une goxoa eta lasaia. Gozatu. Maitasun harremana hasteko aukera. Aldaketak nahi badituzu, pentsatu ondo ezer egin aurretik. Baina ez ezazu amets askorik egin...

zorion agurrak



BERGARA
Jennifer Caballero Garcia
Urriaren 4an, 9 urte. Zorionak, neska handi. Senide guztien partetik eta bereziki ama-txo, Lira eta Panda.



ARAMAIO
Aizpea Ajuriagerra Uribe
Urriaren 18an, urtebetetzea. Zorionak etxe-koen partetik eta batez ere Uxue eta Amaiurren partetik. Egun ona pasatu. Asko maite zaitugu!




ARRASATE
Txaro Azkarate Zabarte
Urriaren 22an urtebetetzea. Zorionak, tia Txaro. Familiako guztien partetik.



OÑATI
Ibai Aranburu
Urriaren 20an, 6 urte. Zorionak, potxolo, eta ondo pasatu zure urtebetetze egunean.



ARRASATE
Jone Barandiaran
Urriaren 18an, 7 urte. Zorionak, Jone! Muxu handi-handi bat, etxe-ko eta lagunien partetik. Oso ondo igaro eguna!



ARRASATE
Irati Lasa Uriarte
Urriaren 21ean, 8 urte. Zorionak zure zortzigarren urtebetetzean familia osoaren partetik. Patxo potolo-potolo bat. Ondo pasatu eguna!



ARRASATE
Urki Garitaonandia Uriarte
Urriaren 21ean, 5 urte. Zorionak eta muxu handia etxe-koen partetik, beraziki Ixone eta Hodei.



BERGARA
Joseba Unamuno
Urriaren 21ean, 3 urte. Zorionak eta patxo handi bat familiaren partetik.



ARRASATE
Ander Ramos Fernandez
Urriaren 21ean, 9 urte. Zorionak eta patxo handi bat, osaba-izeben, amamaren eta Arianeren partetik.



ARRASATE
Aimar Urribetxebarria
Urriaren 21ean, 4 urte. Zorionak eta patxo handi bat familiaren partetik.



ARRASATE
Lur Medrano
Urriaren 22an, 11 urte. Lur, zure txokolatadan niretako toki bat gordetzea espero dut. Aldez aurretik ondo-ondo pasatu eta zorionak, ganberruoi! Basajauna.



ESKORIATZA
Ekaitz Oñate Uribe
Urriaren 23an, 11 urte. Zorionak, Ekaitz! Patxo handi bat ama, Ilargi, Zuhaitz, Joxemari eta Naiararen partetik. Ondo pasatu zeure eguna eta gogoratu guretzat txapeldun bat zarela!



OÑATI
Madalen Etxegarai Zelaia
Urriaren 23an, 5 urte. Zorionak, polita. Muxu handi bat etxe-koen partetik. Ondo pasatu zure eguna.



ARRASATE
Asier Arana Narbaiza
Urriaren 23an, 29 urte. Zorionak! Enuzketa, Txako eta Zapatakaleko guztion partetik! Ondo pasatu zeure egune!



BERGARA
Iraia Garitaonandia
Urriaren 24an, 4 urte. Zorionak eta muxu handi bat Hodei, Unax eta etxe-koen partetik.



OÑATI
Eneritz Irusta
Urriaren 24an, 31 urte. Zorionak, Ene! Ondo-ondo pasatu eguna eta muxu pila kuadrillakuan partetik. Muxu!




OÑATI
Joxe Lete
Urriaren 24an, urtebetetzea. Zorionak, Joxe. Igarrri be ein baik faten ttuk urtiak. Etxekoan partetik.



OÑATI
Maialen Guridi
Urriaren 24an, 24 urte. Zorionak, guapa! Egun ona pasatu eta patxo handi bat familia-danan partetik. Badakigu domekako pintxua zeñek pagauko dauen. 24 tirakada belarrittatik!



ARETXABALETA
Garikoitz Garcia Arrieta
Urriaren 25ean, 32 urte. Zorionak, Mou! Etxean nahi zaitugu. Besarkada eta muxu handi bat etxe-ko guztien partetik.



ARETXABALETA
Ander Giletto
Urriaren 25ean, 14 urte. Zorionak, Ander! Oso ondo pasatu eguna eta muxu handi bat etxe-ko guztien partetik!



ARRASATE
Naia Etxabe Uribarren
Urriaren 26an, 8 urte. Zorionak, maitia! Zortzi urte zoragarri gure artean! Muxu handi bat etxe-ko guztien partetik.



OÑATI
Unai Gomez Perosterena
Urriaren 26an, 5 urte. Eh pirata, zorionak eta 5 kañoikada zuretzat.



OÑATI
Leire Barrena Jausoro
Urriaren 27an, 9 urte. Zorionak etxe-ko sor-gintxoari. Ondo pasatu zure urtebetetze eguna, etxe-ko danon eta betez ere Xabi eta Itziarren partetik. Muxu handi bat.



ANTZUOLA
Amaïur Legorburu Rodriguez
Urriaren 27an, 8 urte. Zorionak, Amaïur! Aiora eta beste danen partetik.



ARETXABALETA
Maider Ortiz de Zuñiga
Urriaren 28an, 31 urte. Zorionak, politto! Zuk be ia 30an atarixa pasatu dozu eh! Egun polita izan daila eta azaroko asteburu hortan ospatuko Donosti aldian! Besarkada potolo bat.



ARRASATE
Alatz Gordobil Kortabarria
Urriaren 28an, 7 urte. Zorionak, maitia! 7 urterekin ja amatxo baino handiago zara, e? Muxu handi-handi bat aita, ama, Intza eta tia Larraitzen partetik. Mua! Ondo pasatu eguna.



OÑATI
Maria Luisa Aramburu
Urriaren 29an, 69 urte. Urte askotarako, ama! Egun polita pasatu deizula eta hasi zelebrairteko pastela reparaitten! Etxekuak.



ARRASATE
Haizea, Galder eta Ibai Otxoa-Etxebeste
Haizeak eta Galderrek urriaren 29an, 6 urte eta Ibaik urriaren 30ean, 7 urte. Zorionak eta patxo bat. Ondo-ondo pasatu, hirukote!



OÑATI
Enaitz Kortabarria
Urriaren 30ean, 3 urte. Zorionak, txapeldun! Oso ondo pasatu zure urtebetetzean eta putz asko in kandlei. Muxu handi bat danon partetik.



ARETXABALETA
Nerea Zubizarreta Pedregal
Urriaren 30ean, 20 urte. Zorionak eta ondo-ondo ospatu zure urtebetetze eguna eta muxu pila bat zure gurasoen partetik.

ZORIONAK!

Zorion itzazu lagunak eta senitartekoak Asteleheneko Goienkariaren bidez! Hiru bide dituzu zorion agurrak jartzeko:

Internet bidez

Goiena.net atariko Zorion agurren tartean sartu.

Aukeratu zein herritan gehitu nahi duzun eta eskatzen diren datuak bete.

e-postaz

Mezu bat bidali zorionagurrak@goiena.com helbidera.

Honako datuak emanez: Izen abizenak, herria, urteak noiz betetzen dituen, zenbat urte betetzen dituen eta nahi duzun mezua.

Edo etor zaitez Goienako ordezkarietara batera.

Egubakoitz 11:00ak arte jasotako zorion agurrak bakarrik iragarriko ditugu. Ordu horretatik aurrera jasotakoak hurrengo astean argitaratuko ditugu.

ESKELAK

GOIENKARIAn eskela jarri nahi baduzu,
deitu telefono honetara eguen eguerdia baino lehen:

943 25 05 05

Edo zatoz ordezkari-tza batera.

Eskelaren prezioa: 122.50 euro.

Prezio berezia: egubakoitzeko eta asteleheneko GOIENKARIAn,
bietan, argitaratuz gero, **163 euro.**

GOIENKARIA: astero, 34.000 irakurle (CIES) Gipuzkoan.



OROIGARRIA

Agapita Sancho Muñoz

Ander Monedero Goienako lankidearen amama.

Valladoliden hil zen 2010eko urriaren 22an.

Bat egiten dugu
senideen saminarekin.

Goiena
Komunikazio Zerbitzuak



Arrasaten, 2010eko urriaren 25ean.

OROIGARRIA

Arantza Ojea Amuriza

Gasteizen hil zen 2010eko urriaren 21ean.

Nerearen lagunak



Aretxabaletan, 2010eko urriaren 25ean.

asteburuko albuma

XIV. Gastronomía eta Folklore jaia.

Aretxabaleta kolorez eta zaporez jantzi zen atzo eta hainbat erkidegotako jakiak eta folklorea ezagutzeko aukera izan zen: Gaztela eta Leon, Extremadura, Galizia eta Errioxakoa, besteak beste. Eguraldiak gehiegi lagundu ez zuen arren, goiz partean jende dezente hurbildu zen Herriko plazan ipinitako postuetara. Aretxabaletako ordezkariak Aratz taldekoak izan ziren eta txorizoa, odolostea eta gazta eskaini zituzten.



jaioetakoak

BABESLEA

IKUSI MAKUSI

Umeen paradisia



Lazarraga 4 OÑATI 943 08 23 32



Lina Akkouch Elkhayati

Bergara > 2,600 kilo. Urriaren 16an.
Gurasoak: Mariem (Maroko) eta Saidakkouh (Maroko). Argazkian, Lina jaioberria, Aya ahizparekin.



Maider Goiena Preciado

Elorrio > 4,020 kilo. Urriaren 15ean.
Gurasoak: Mari Carmen (Elorrio) eta Jesus (Elorrio). Argazkian, Maider jaioberria, amarekin.



Beñat Ramos Kortazar

Eskoriatza > 3,430 kilo. Urriaren 19an.
Gurasoak: Esther (Eskoriatza) eta Juan (Eskoriatza). Argazkian, Beñat jaioberria, sehaskan lo.



Jon Gonzalez Rodriguez

Bergara > 3,600 kilo. Urriaren 18an.
Gurasoak: Susana (Bergara) eta Mikel (Elgoibar). Argazkian, Jon jaioberria, gurasoekin.



Alessi Oliveri Lopez

Arrasate > 2,680 kilo. Urriaren 22an.
Gurasoak: Nuria (Soraluze) eta Francesco (Soraluze). Argazkian, Alessi jaioberria, Euken eta amarekin.



Imanol Agirreurreta del Palacio

Arrasate > 3,200 kilo. Urriaren 20an.
Gurasoak: Maria (Arrasate) eta Iker (Aramaio). Argazkian, Imanol jaioberria, sehaskan lo.



Jare Larrañaga Igartza

Bergara > 3,510 kilo. Urriaren 16an.
Gurasoak: Alaika (Arrasate) eta Gorka (Bergara). Argazkian, Jare jaioberria, sehaskan lo.



Aratz Arbuko Loiti

Aretxabaleta > 3,030 kilo. Urriaren 18an.
Gurasoak: Oihana (Arrasate) eta Xabier (Aretxabaleta). Argazkian, Aratz jaioberria, amama Juanitarekin.



Mikel Rodriguez de Lope Iraola

Bartzelona; 3,190 kilo, urriaren 16an.
Gurasoak: Ainara (Arrasate) eta Charly (Santander). Argazkian, Mikel amarekin.

Amaia Cayero > Kazetaria

"Gaitza da nik film batekin negar egitea"

JON BEREZIBAR > ARRASATE

ETB1eko eguneroko albistegien aurkezlea zinemazale borrokatua da eta orain dela gutxi zinemari buruzko saioa estreinatu du telebista beraren hirugarren katean. Hain zuzen, erreializatzaile izan gura zuen hark, baina kazetaritza bidean gurutzatu eta gustura dihardu.

Lotsatia zarela diozu. Zuretzat ez da, ba, erraza izango aurpegi ezaguna bilakatu izana.

Nire kasuan ez da hainbesteko eta aitortu beharra daukat Kristoren aldea dagoela ni makilatuta ala barik ikustea.

Zarenaren ezberdin ikusten duzu zure burua pantailan?

Erabat, ni askoz ere sastarra goa naiz!

Neska serio eta zuzena ematen duzu pantailan.

Ez naiz, behintzat, inondik inora, txorakeriak egiten hasten den lehen horietakoa.

Gatikakoa zarela esaterakoan askok aurpegi arraroarekin begiratuko dizute.

Herri oso txikia da eta jendeak ez du ezagutzen. Herri txikia, baina nahikoa gara bertan bizi garenak.

Azkenean, kutsu bizkaitarreko aurkezleak ETBn!

Hemen gipuzkoarrak dira nagusi, e! Bizkaitarrok gogor saiatu behar izaten dugu gure arrastoa uzten.

SOSLAIA

Aurkezle

Errealizazioan egin gura zituen praktikak Euskal Telebistan, eta atzean baino gehiago kameran aurrean bukatu du Amaia Cayero (Gatika, 1984) bi urtean. Albistegia aurkezteko proposatu ziotenean, egun gutxi erabakitzeke eta amildegia aurrean ikusi zuen bere burua, baina "arduradunak galdetzen dizunerako badakizunez erabakia hartua dagoela", ez zion buelta askorik eman. Orain, tarteka, erreializazio gelara igotzen denean beldurtu egiten ei da bertako anabasarekin.

Orduan zergatik entzuten da hainbeste "ETB Bilboko telebista"?

[Barre] Futbol kontuak dira horiek. Polemika horiek sanoak badira saltsa polita eragiten dute. Hori bai, nigandik urrun, ze nire aita futbolzale amorratua baita, Realekoa gainera, bizkaitarra izanik ere. Hainbeste eztabaida ikusi behar izan ditut herrian bertan kontu horrekin, neu nazkatuta nago.

Zinema ei da zure zaletasuna. Krispetak ala isiltasun totala?

Aukeran *gominolak*. Jane Campionen lana asko gustatzen zait, *The Piano* eta horiek guztiak. Denetarik ikusten dut.

Eta bakarrik ala taldean?

Norekin zoazen da hor garrantzitsua. Askotan bai, bakarrik joaten naiz.

Badakizulako aurrez malkoren bat isuriko duzula?

Ez dakit ba. Benetan gaitza da nik film batekin negar egitea. Agian ez naiz oso sentibera, batek daki! [Barre]



Amaia Cayero.

EUSKAL TELEBISTA

ai, ene!



Paseotxo egitera

Argazkia ikusita ezinbestekoa da galdera hau egitea: nork darama nor paseatzera? Haurrak txakurra ala txakurrak neskatala? Txakurrak gizakia- ren lagun onenak omen dira. Neskatalak, behintzat, badauka laguna paseatzera irteteko.

<http://www.fotosdehumor.com>

biharamuna

Iñigo Biain


Grebak eta beste grebak

Sarkozyk eskuin eskuaz ijitoak Errumanian- ra deportatzen zituen bitartean, ezker eskuaz Carlari heltzen zion gerria, eta bata eta bestearen artean, ez zen ohartu gainera zetorkionaz: greba. Baina ez edonolako greba; benetan zerbait lortu nahi duenaren greba da Bruni- ren senarrari etorri zaiona. Petrolio fin- degiak blokeatuta, autopistak amaigabe- ko auto- ilarek geldotuta, ikasleak kale- borrokan (han ez da terrorismoa), gaso- lindegiak erregairik gabe, ... eta frantsesen gehiengoak presiden- teak hartzen dituen erabakien aurka (inkestek hala diote, behintzat).



Eta zergatik guzti hau? Erretiroaren adina 60 urtetik 62ra pasatu nahi duelako mugaz bestal- deko Gobernuak. Mugaz honat agintzen dute- nek, aldiz, 65etik 67 edo 68ra jaso nahi ei dute erretiretan adina. Erantzuna ere proportzionala izango da Espainiako herritar, ikasle eta langile- engan? Ez dut uste. Hemen, asko jota, gutxiene- ko zerbitzuz jositako greba egun bat egin- go da, bortxakeria handiegirik gabea, piketeen izaera informatiboa gailenduz, eta lana egitea nahi dutenen eskubide- ak bermatuz. Eta biharamune- an, sindikatuek garaipen kan- tak abestuko dituzte, eta en- presariak pozik izango dira.

eguraldia



MAXIMOA

+11

MINIMOA

+08

Goizean zaparradak izan arren, eguraldiak hobera egingo du eta eguerdi parterako atertu eta hodeitza arintzen joango da.

www.euskalmet.net



ORDUTEGIA
09:30etik 21:30era

Hipermerkatuak



zurekin

Musakola 11 ARRASATE
Tel.: 943 71 10 30

www.grupoeroski.es